

አሰመራ፡ ሙዚተመር ማሕበር ሰይደልዩን ገብአ

ዕልብ 20 ዓም ሙዚተመር ማሕበር ሰይደልዩን ኤራትሮፕ፡ “ ፍድብ ሰብ ምህንት እንዴ ዓቤነ ደማነት ዓፍዮት ነአክድ” እብ ትብል ስቅራት ዲብ ዮም 2 ማዩ ዲብ ፋንዱቅ አሰመራ ፓላስ ሰርገለ።

ርአሰ ማሕበር አሰይድ አብርሀ ገብረ፡ ዲብ አሰምዐዩ ከሊመት፡ ዲብ ሄራር ማሕበር ለልትሐመድ አምር ወተጃርብ ክም ትረከብ እሊ ህዩ ትአምርት ጅህድ አንፋር ክምቱ እንዴ ዘክረ፡ ልጅነት መትዳልይያይት ሐመደ።

ማሕበር ሰብ ምህንት አሰሶት ቀሊል፡ አተላላዩ አድመኖት ክቡድ ክምቱ እንዴ ሸርሐ፡ ማሕበር እብ ምራድ ወአክላቅያት ሸባብ አንፋር ክም ልትዐወት፡ ዐባቶም ዲብ ክሉ እግል ልትአክድ መሻረከት ክሉ ሙጅተማዕ ክም ጠልብ አፍሀመ። እተ ሙዚተመር፡ ተቃሪር



ለትፈናተዩ ልጅን እንዴ ትቀደመ፡ ቀድዮት ዕድወ-የት፡ ወራታት አትፋዝያት፡ ተዐዲል ደሰቱር ማሕበር ወወራታት ማልየት ለከሰሰ ተጠውራት ትቀደመ ወተሀደገ እቱ። መሻርከት ሐቀለ ወደው ህድግ፡



ስኢሊ ሳልሕ ዓብደልጃድር

ጌምያይት ልጅነት ልትቀይም እተ አርድዮት እግል ትሞፋሕ፡ ተቃሪርለ ለአቱ ወፈግር ማል ማሕበር ዋድሕ እግል ልግባእ ወአንፋር ደፍዕዮቶም ዲብ ወክድ እግል ልድፍዮ፡ ሪሀም አንፋር ዲብ መምርሕ ወቀሞኒን

ማሕበር እግል ልትወቀል፡ ሐብሬ ዲብ አንፋር እት ወክድ እግል ትብእሕ፡ ወአንፋር አርዛቅ ማሕበር ዲብ መንፈዐቶም እግል ለአውዕሎ ለልብል ረአይ ቀደመው። እት ደንጎብ 12 ነፈር ለባ ጀሀት

መመቅረሓይት ሐዳሰ ወጀሀት መሓሰባት ደወ ተሐረዩ። እት ወብረት ዓፍዮት ለሸቄ ዲብ ወሬሕ አጎሰት 1992 ለቁመ ማሕበር ሰይደልዩን ኤራትሮፕ ሐድ 380 ነፈር ቡ።

ቅብለት በሐር ቀየሕ፡ ሳምን መዳርስ ትሰርገል

ሳምን ዓዳት ወርያደት ደረሰ አቅሊም ቅብለት በሐር ቀየሕ “አምር መርበይ ዐባት ዓዳት” እብ ትብል ስቅራት ዲብ ዮም 2 ማዩ ዲብ ባጽዕ አንባተት።

እተ ዲብ ተምሳል ሹሀደ ጥዋለት ለገብአት ፍረቅ ዓዳት ምዳርያት እብ ቀደመያሁ ዕፌ ፈን ለትተሌት ዓደት፡ ርአሰ መጅልስ አቅሊም ቅብለት በሐር ቀየሕ አሰይድ እብራሂም ዐሊ ሸክ፡ እምባተትሰ ሳምን ለትብሸር ሹዕለት አብርሀ።

ዲብ ፈርዕ ተዐሊም አቅሊም ቅብለት በሐር ቀየሕ መስኩል ውሕደት ዓዳት፡ ርያደት ወዓፍዮት



እስታዝ መሐመድ ዐብደላ ዲብ አሰምዐዩ ከሊመት፡ ምን 10

ምዳርያት ለመጽአው ዝያድ 500 ደረሳይ መዳርስ መአንብታይት፡

ምግባይት፡ ወካልአይት ደረጃት ሻርቲ ክም ህለው እንዴ ሐብረ፡

ክል ሰነት ዲብ አሌላት ዒድ ሕርየት ለትገብእ ሰባት ተ፡ ዲብ ብንዩት ሰዋልፍ ወጠን ወግማል ዒድ ሕርየት ዶር ክም በ ሸርሐ። ለአሰክ ዮም 6 ማዩ ትተላሌ ሳምን፡ ጅግረ ሰሰዒት፡ አሸግር፡ ደገም ሕላይ፡ አናሸድ፡ ድራመ ወጅግረ ምህር ትክምክም።

ሙዳር መዳነት ባጽዕ አሰይድ ህይሌ አሰፍሀ እብ ጀሀቱ፡ ለሳምን ዲብ ሸባብ አርድየት መትዳል ተጃርብ ወአምር ሕድ ለተአጠፍሕ ሰባት ተ አህምየተ ዐባይ ክምተ እንዴ ሸርሐ ደረሰ እብ ንዩት እግል ልሸቀው አትፋቀደ።

ነቅሬ፡ ሳምን ዓዳት ወርያደት ምግባይ ደረጃት ገብአት

ዲብ ምዳርያት ናቅሬ፡ ሳምን ዐዳት ወርያደት ደረሰ ምግባይት ደረጃት፡ ምን ዮም 23 አሰክ ዮም 27 አፕሪል ገብአት።

ለሳምን፡ ብድራታት ዐዳት ወርያደት፡ ጀውለት አሰክ ታኔሪካይ አካነት፡ ዕፌ ምህዞ ወሰናዐት፡ ማዕሉማት ዓም ክምሰልሁመ ታኔሪክ ድማናይ-ጀብሀት ነቅሬ፡ ገበይ ሸቅየት ወጽብጠት ድፋዓት ነቅሬ፡ ፈሸል ወራራት አባይ ወመናበረት ምናድል ለልትረከብ እቱ በርናምጅ ዋርሰ ለከምከመ ዐለ።

መስኩል አድረሶት እስታዝ ዐመር መሐመድ እትሰ አሰመዐዩ ከሊመት፡ ለሳምን ዲብ ብንዩት ገርብ ወዐቅል ደረሰ ለባ ዶር ቀሊል

ለልትርኤ ክም አኮን ሐቀለ ሸርሐ፡ ለበርናምጅ እግል ልትዐወት ጅህድ ለወደው ጀህት ወአንፋር ሐመደ። ምዳር መድረሰት ምግባይት ደረጃት ነቅሬ አሰታዝ ሳሌሕ እብራሂም እብ ጀሀቱ፡ ወራታት

ዓዳት፡ ርያደት ወዓፍዮት መውሀበት ደረሰ እግል ፈተሾት ሴድያይ ሰባት ቱ፡ መደርሲን ምራድ ወመውሀበት ደረሳሆም እግል ለአምር፡ ክምሰልሁመ እብ ታሪትም ወዓዳቶም ለልትሐብኖ መዋሞኒን

እግል ብንዩት ሕሰር ውቁል እንዴ ወደው እግል ልሸቀው ትፋነ። ናይ ዶሉ መስኩል መዳርስ ምዳርያት ነቅሬ እስታዝ ጅምዕ ቡኪት ህዩ፡ ሐዘትሰ ሳምን እብ ኩሉ ጀዋንበ ሐቀለ ሸርሐ፡ ዶር መደርሲን ሐመደ።

ዲብ ደንጎብ፡ ዲብሰ እብ መጅብ ብድረ ለገብአ በራምጅ ለተዐወተው ጀዋእዝ ተሀዩ።

እምበል እሊ። ዲብ ምዳርያት ባጽዕ - ኩለን እዳራት ዳሕያት ለሻረከዩ ዲብ ሳምን ዓዳት ወርያደት እዳራት ዳሕያት፡ ምን 26 አሰክ ዮም 29 አፕሪል ገብአት።

ዲብ እዳራት ዳሕየት ሕርጊጎ እትሰ ገብአት ዓደት ካቲመ፡ መስኩል መሕበር ወጠን ሸባብ

ወደረሰ ዲብሰ ምዳርያት ሻብ ዳዊት ተክሎም፡ ለሳምን - ወራታት ኬው፡ ጀውለት አሰክ አካናት ታሪክ ወዐማር፡ ሰሚናራት፡ በራምጅ መትዳል ተጃርብ፡ ጅግራታት ዓዳት ወድናሰ ለከምከመ ክም ዐለ ተሐበረ።

መስኩል ቅሰም ሰያሰት ወመትዛም መሕበር ወጠን ሸባብ ወደረሰ አቅሊም ቅብለት በሐር ቀየሕ ሻብ ሰሌማን ዩሱፍ እብ ጀሀቱ፡ ለበራምጅ አሳሰ ዐዳት ወሰዋልፍ ለጸብጠ ወፈሃዐት ሸባብ እትጀሀ ለልአጸብጥ እት ረአሰ ግብአቱ፡ እብ ሸባብ ሰባት ገብአ ወትመቃረሐ፡ መቅደረት ሚርሐት እግል ትተረድ በክት ለከልቅ በርናምጅ ክምቱ አክደ።



እድገትና ልማት አምራች ስብሰባ: እብ ደረጃት ወጠን 35ይት ኢትዮጵያ ትዘክረት

ሄለል ማዮ: እድገትና ልማት አምራች ስብሰባ: እብ ደረጃት እዲነ 136ይት ኢትዮጵያ: እብ ደረጃት ወጠን 35ይት ኢትዮጵያ ትዘክረት።

“መተንተን ስብሰባ መዋልያይ ዐማር” እብላ ትብል ስቅራት ዲብ አሰመረ እትላ ገብአ: ውዘራ እ ለብኡም ውቁላም ሰብ መዝ ሕኩመት ወጀብህት ለሐድረው ዲብ ዓደት: ናእብ ካትብ ዓም ኮንፈረንሶች ስቅላ ኤረትሮፕ አሰይድ ክብረኡብ ኪዳኔ እትላ አሰመሪ ከሊመት: ዝክረት ሄለል ማዮ - ሕሸመት ሸቅል: ዐውል ጅህድ ሸቅል: ክምሰልሁመ እት ኩላ እዲነ ለገብኡ ለኢሊኦትካርም ንዓል እግል ፍትሕ: መሳዋት ውውጢት ሓላት ሸቅል ለለኦ መደወን ክምተ ሸርሐ።

አሰይድ ክብረኡብ እንዴ አትሉ: ኮንፈረንሶች ስቅላ ኤረትሮፕ: መተንተን ስቅላ: ኦተረዶት አንሳት: አጅሀዞት ሸቅል: እብ ዓመት ህዩ ዲብ አዳሎት ተኣላት ድኑሴ ምህንት ወቱክኒክ ዶር ሰኒ ወዴ ክም ጸንሐት: ፍገራት ገብኡ ወራታት ወመትወሳዕ እግል ልዕቤ ህዩ እት ክል-አቅሊም መርከብ ተኣላል እግል



ስላሴ ክብርም ጸሃዩ

ለህሌ ወራታት ብንዩት ተሕትዩት ልትዳሌ ክም ህለ ኡብርሀ።

ከሊመት ፈደራልዮት መሸቅዩት ለቀደመ አሰይድ ብርሃኔ ገብረህይወት እብ ጀሀቱ: እለ አምሳል እለ ዶር ኩሉ ፈደራሽንት ለልትፈቀድ ዲብ ወሐምዴ ለትረክብ ዲብ: ክምሰልሁመ ለነቅሰ ወእግል ልግባእ ለቡ ጌማም ለገብኡ ዲብ ክምተ እንዴ ሐበረ: እምበል ሰቡል በዐል ምህንት ወዐቅል እግል ትትዐውት ለትቀድር ናእዩት ሰቡት ኢህሌት: ጅህድ ሸቅል እብ ኩሉ ጀዋንቡ እግል ልትወቀል አትፋቀደ።

ዲብ ውዛረት ዐመል ወመንገድ እጅትማዕዮት ምዲር ዓም ቅሰም

ዐመል አሰይድ ወልዴዮሱስ ኤሊሳ ህዩ: ናይ ዮም ዓመት ሄለል ማዮ: ለትሳወ ሐላት ሸቅል: ሕቁቅ ዐመል ወሕሸመት ሸቅል እንዴ ተኣከደ: አፍረዮት ወምህዞ እግል አትናዮት ለወዴናሁ ጅህድ ጠዐም ፍገራቱ ዲብ ነኡዳውር: እብ ነዮረት ትትዐዩድ ክም ህሌት ሸርሐ።

ለበርናምጅ ዝክረት: እብ ዕፌ ዓዳት ወፈን ናይር ዐለ።

እሊ ክእነ ዲብ እንቱ: አንፋር አወላይት ደውረት ክድመት ወጠን: እብ መናሰበት ሄለል ማዮ ዐባዩ ሸዋሬ ወዳይነት አሰመረ አንደፈው።

እሊ ክእነ እት እንቱ: እድገትና ልማት አምራች መንገድ: “ትኑድ ነባሪ



መንገድ ንጠውር” እብላ ትብል ስቅራት ውዛረት ዐመል ወመንገድ እጅትማዕዮት ምስል ኮንፈረንሶች ስቅላ ኤረትሮፕ እንዴ ትሳዳት እት ዮም 28 አፕሪል ዲብ አሰመረ ትዘክረት።

ዲብላ ዲድ: ዲብ ውዛረት ዐመል ወመንገድ እጅትማዕዮት መስኡል ፈሬዕ መራቀብት ሸቅል አሰይድ ዮሴፍ ተሰፋይ: ሀደፍ ናይለ በርናምጅ: ሕኩመት: መሸቅዩት ወሸቅላ ሐዘት መንገድ ወዓፍዮት እት አካን ሸቅል ናይ ሕበር ፈሀም እግል ለህሌ እግሎም ክምቱ ሸርሐ።

እሊ ዲብ ፍዕል እግል ልውዐል: ነባሪ መንገድ ጠወርት ምህም

ክምቱ እንዴ አትፋቀደ: መትሰባል መአሰሳት እዳረት: ፋዝዐት መሻረክት ሸቅል: መትፋሃም: ወለኢልትባተክ ንዘም ተኣላት ሂበት ክም ለአትሐዜ ሐበረ።

ኮንፈረንሶች ስቅላ እንዴ ወክለ ከሊመት ለአሰመሪ አሰይድ ሃይሌ ተሰፋሚካኤል እብ ጀሀቱ: ደሐኑ ለዐቅብ ደማነት ለቡ አጅዋእ ሸቅል: አሳሰ ዐቡት እቅትሳድ ክምቱ እንዴ ሐበረ: ጠላብ መንገድ ወዓፍዮት እት አካን ሸቅል: እብ ባቂዕ መቀየሲታት ዳፍዮቱ ወዲብ ፍዕል አውዐሎቱ ክም ልትቀድር አፍሀመ።

ኮንፈረንሶች ስቅላ ልጃን መንገድ ዲብ መአሰሳት አቁሞት ለሐልፊዮ ተጃርብ ለሸርሐ አሰይድ ሃይሌ: አድመዮት ዓፍዮተ ወደሐነ ለተዐቀበ አካን ሸቅል አወል መሸቅዩት ለትከሰሰ ምንመ ትመሰል: መዓወነት ሸቅላ ወሕኩመት ላዘም ክምቱ ሸርሐ።

ዲብ ደንገቤ: ዲብ ውዛረት ዐመል ወመንገድ እጅትማዕዮት በዐል-መቅደረት መንገድ ዓፍዮት አሰይድ ቢንያም አሕፈርም: ተርጀመት ወሐዘት መንገድ ዓፍዮት እት አካን ሸቅል መሐደራት ሀበ።

እግል መደት 8 ወሬሕ ገብኡ ለጸንሐ ወራታት ርያደት መዳርሰ አቅሊም ምግብ ሰነት ድራሰት 2025/2026: ዮም ዲብ ስታድዩም አሰመረ እብ ነዮረት ተመ።

ለእብ ወዘረት ተዕሊም ዶክቶረት ሐሊመ መሓመድ መክሰቲ ለገብኡ እግል ካቲመ: ዲብ ፈሬዕ ተዕሊም አቅሊም ምግብ መስኡል ርያደት እስታዝ ሞሳዝጊ ገዝሀይ እትላ አሰመሪ ከሊመት: ዮም ዓመት ዝያድ 14 አልፍ ደረሳይ ዲብ 12 ጅንሰ ርያደት ክም ሻረከው ወለትመሳዌት መሻረክት አንሳት ለትርእ ዲብ ክም ዐለ ሸርሐ።

ርያደት እትላ ለህሌነ ዲብ ዘበን: ምን አትፋግዮት እንዴ ሐልፊት ሀውዩት ወጠን ለትኣትአምር ክምተ እንዴ ሐበረ: ውዛረት ተዕሊም እብ ገበይ መዳርሰ ዋወር ዓዳት ርያደት ወጠን እግል ትረቤ ሐበን ወጠን

ሳምን ዓዳት ርያደት መዳርሰ



ስላሴ ሂፕክ ተክላር

ላቶም ሸባብ እግል ተኣዳሌ ዶር ምህም ትወዴ ክም ህሌት ሐቀለ ሸርሐ: ለበርናምጅ እግል ልትነዩር

ወልትዐውት ለትጸገመው መደርሲን: መራቀቅት ደረሰ ወመሕበራይ እትሳላት ሐመደ።

ዲብላ መናሰበት: እብ ኩሉ ጅንሰ ርያደት ምን ሰቦ ምዴርያት-ምዴርያት ግብለት ምፍጋር-ጸሐይ:

ምን 22 መድረሰት 2ይት-ደረጃት ህዩ መድረሰት-በርከ ንቃዋ ውቁል እንዴ ረክቦዩ ጃኢዘት ነሰኣዩ።

እምበል እሊ: ዲብ ትልህዩ ኮበራት እገር አንሳት: መድረሰት 2ይት-ደረጃት ሓላይ አወላይት ፈግረት።

ዲብ ደንገቤ: ወራታት ርያደት እግል ልትዐውት ደረን ለአግደዩ መአሰሳት ሕኩመት ወአፍራድ ወረቀት-ሐምዴ ተህዩበት።

ዲብ አቅሊም ዐንሰበ ምዴርያት ዐድተከሌዛን: ሐጋት ወሐመልማሎመ ሳምን ዓዳት ወርያደት ደረሰ ገብኡት።

ለውላድ ወአዋልድ ለአሻረክት ጅግረ: ርያደት: ድራሙ: ሐላይ: አሸግር: አናሽድ: ሰሰዲት: ወዐዘ: አምር ዓም: ቅሰሰ ሐጫይር ውብዕድ ለትከምክም ዐለት።

እምበል እሊ: ዐድ ተከሌዛን: ምን ዮም 30 አብሪል አሰክ ሄለል ማዮ

ዕፌ አክትብት: ፍጥር ወሰናዕት ወዴት።

ሀደፍሰ በራምጅ: ደረሰ ወሸባብ ቅድራት ቅራኣት ወፍጥር እንዴ ዓበው ምዩሎም እግል ለአሌሉ ክምቱ ለሐበረ መስኡል ማሕበር ሸባብ ወደረሰ ዲብ ምዴርያት ሻብ ንርእዮ ረዘኔ አፍሀመ።

መስኡል ዓዳት: ርያደት ወዓፍዮት መምህር ሰለሙን ጸጋይ እብ ጀሀቱ: ለበራምጅ እግል ልትደቀብ: ዋልዴን ምን ቅሩብ እግል ልታብዕዉ ወዶርም እግል ልቀድሞ አትፋቀደ። መሻረክት እብ ጀሀቶም: ለዕፌ ምን ቅሩብ ለእሉ ተሐዜ አክትብት እብ ዐውል ራትዕ እግል ትርክብ ለሰዴ ክምቱ እንዴ ሀደገው: ልተላሌ ልትጠወር ትፋነው።

ዲብ አቅሊም ዐንሰበ ዮም ዓመት 6ይት ሳምን ዕፌ ወዝቤ አክትብት ወ3ይ ዕፌ ፍጥር ወሰናዕት ትገብኡ ህሌት።

ኤረትሮፕ ደረጃት

ክል አርቡዕ ለትጠ'በዕ ጀሪደት

መዳልያይ:-

- መሐመድ አድሪስ

ለይአውት ወአርተዖት

* ዘሀረ ዐለ

* ፋዋን አድም

ተለፎን: 121797/201820 (258)

ፋክስ: 127749; ዕ.ሰ.ቡ: 247

ተውዝዕ ጀሪደት:

ተለፎን: 163471-07588045

አትአመርት:

ተለፎን: 125013; ዕ.ሰ.ቡ: 1284

ዝክረት ሳምን ፍድኢት አፍሪቀ እት አሰመረ

ሳምን ፍድኢት አፍሪቀ: “ዓፍዮት አጀኒትን እግል ትትኣከድ: ዋልዴን ወመጅተማዕ እብ ሕበር ንክደም” እብላ ትብል ስቅራት: ዮም 30 አፕሪል እብ ደረጃት ወጠን ዲብ አሰመረ ትዘክረት።

ዲብ ውዛረት ዓፍዮት መስኡል ውሕደት ተዕሊት ወሐብሬ አሰይድ አማኑኤል ግርማዴን እትላ አሰመሪ ከሊመት: ዝክረት ሳምን ፍድኢት አፍሪቀ ለትገብኡ እብ አግደ ሰቡብ: ወቅታይ እድገትና ልማት ሐብሬ ወንዛም እንዴ ‘ታሌክ: እግል አጀኒት ወዲብ ዕምር ውላደት ለህላዩ አንሳት ምን ሕማማት እግል

ዳፍዮት ለአምበተት ፍድኢት ጌማም እንዴ ገብኡ እት: አተላላዩ ደማነት እግል ተህሌ እግል ክምቱ ሸርሐ።

ዲብ ዐድነ 14 ጅንሰ ፍድኢት እብ ገበይ ንዘምት ልትሀዩብ ክም ህለ ለሐበረ መምውቅርሐይ ወጠንያይ በርናምጅ ፍድኢት አሰይድ ቴድሮስ ይሕደን: ዲብ ሰልፍ ሕርዩት ምን ኦርት አልፍ እብ ሐዶቶም ለልትወለዶ አጀኒት ናይ 150 ሞት ትጀራ ለዐለት: እትላ መደት እለ ፈድል መትመዳድ ፍድኢት ዲብ 98 ምእታይት መትወቃሉ: ዐደድ ሞት ዲብ 35

ክም ትከረ ሸርሐ።

በዐል መቅደረት ሕክምነ አጀኒት ዶክቶረት ጸገሬደ መሐሪ እብ ጀሀቱ: ዐገል ወመምሬሕ መትፋፍዮት ፍድኢት ለሸሬሕ ክቱብ: ክምሰልሁመ ሐዘት ፍድኢት ሕማም ስፈር ‘ቢ’ ወሰረግን ሰጋድ-ርሕም ለከሰሰ ሸሬሕ ቀደመት።

ዲብ ደንገብ እብ መናሰበት ሳምን ዲብላ ትክመ ጅግረ ማዕሎማት ዓመ ለትዐውተዩ ጃኢዘት ተህዩበት።

ሳምን ፍድኢት አፍሪቀ ሰነት 2026: ምን 24 አሰክ 30 አፕሪል እብ ለትፈናተ ወራታት ትዘክረት።

ጥበቅ ለእንቅስቃሴ ደሚር መስቲ

22^ይ ወናይ ደንገበ ክፈል

መስኪን እያሱ ምስል ሐገል ረክዶ ክልኤ ዕን። ከይነት ወመትብራይ ለአምነዩ ወለሐረየ በዐል ሻሙ። ምን ሰደፈዩ ብቆት ረክዶ ክልኤ ዕን ኣከ እቲ።

እክል ኣሕድሩ ላኪን ለአማን ሰላም ክራተ እግሎም የዐለት። ተቅራር ሐኪም ዕንታቲ ክምሰል ሰምዐት ህዩ ለእግል እያሱ ወመስኪየተ (ቲቲ) ወመልሂቲ። ለአፈርህ ወለኣትሐሰብ ለዐለ መክሩህ ቀራር ሻም እሎም ክልኡት እሎም ምን ኣሰ ብቆት ክምሰል ጸድፍ እሙር ዐለ። ህመት እብ ሕሰብ ወትገብእ ህዩ ጋብኣት ፍርህት ትሐይሱ። ምን ሕግላን ረክዶ ክልኤ ዕን ልትመክረህ ኣለቡ እያሱ ወዋልዲት ረቢ ምንዲ ሐክመዩ “ኣልሐምዱልላህ እላመ ተኣኪየ ህሌት” እንዲ ቤለው ምስል ክሉ ረክሶም ለየጌረው መናቢት እሊ ሓጥር ገቢል ኣንዲ ኣትመጣወረወ ክትከበተው።

ሰላም ወመስኪየተ ትዕግስቲ ዎርት ወሬሕ እት ዕያደት ዓለ ምስሉ እት ልትረፈዐ ወልትከረዩ። እት ለሐጽብ ወለኣትያሁ ወለኣፍግራሁ ሓለፈዩ።

እያሱ ናይ ደንገበ ትቅራር ሕኪም ዕንታቲው ናይ ዎርት ወሬሕ ታርፍ ምኑ ለዐለ። እበ ፍንገል ክልኡት ሰብ ሻም ለዐለ ጸብሬ እግል ፍገራት ዕንታቲ እያሱ ጸብጥ ለዐለ ሕኪም ዕንታቲ ባጽሑ ዐለ። እብሊ ሰብብ እሊ ኣክለ ምስል ክልኤ መሳኒት ትዋጅሁ። ቀደም ፍገራት መርመሪ ህይቡ። እንሳኒያይ ነሳይሑ ለህይቡን ዐለ። እብ ፍንቲይብ ህዩ እት ሰላም እት ጨቅዋ።

“ሕን ውላድ ምን ኣደሚ። እብ ዲን ልግብእ ወእብ እንሳኒየት። ክልደም እግል ትወጸዐ ወእግል ሕሽመትን ወሀለዮትን ለኢትቲቀደር ወለኢትቲህየብ ለህቡ ፈድሉ እንዲ ይእክር። መቃብል ውዳዩ እግል ኒዲ ምንመ ይእንቀድር። ቅድረትን እብ ፍቲ ወመስኪየት። ወሐጠጦት እት መጣጥርን እግል ነኣክድ እግሉ ክምሰል ብእን እት ሐያት እብ ፍዕልን ነኣርእዩ” እት ልብል እብ ኣምሳላት ዲን ወእንሳኒያይ መጣጥር ሸርሕ እግል ልውዕል ዐለ። እብ ክምሰል እሊ ተዩልል ሰላሰ ኣምዳላት ሐልፈዩ።

ሐቲ ኣምዕል። ደክቶር ዕንታቲ እያሱም እግል እግል በዐል ሻሙ ለለህይብ ፍግራት መርመራሁ። መዓደ እት ቀርብ እንዲ ኢገብእ ሳዓት ሰፍር በጽሐት። ደክቶር እት ቃልያት ሰጅል ነቲጅት ዕንታቲ ገብኣ።

ሰላም ገርብ እት ለሀጥል። እያሱ ግሳዩቱ (ሃብጥ ቅጥረት ኢተኣጠልሉ) ልብል ለህል እት መሰል እግል ክልኣይ ሰብር ሊዲ እትሉ። ተሰግብ ወተግባተ ለኢልትክለሰ ዓለም። (እት ወቅት ሰድትክ እሰእንክ ወሐዋን መልህይኩ። ወጽላል ሰፍርክ

ልትፈንተውክ) እት ልብል። እግል ፍገራት ሐኪሙ ልሰመዕ። ወበላሰለ ናይ ክል ዶል መልህዮቲ እግል ትግብእ ለሐረየ ሰለማዊት ግሳዮቲ ኣትራትዐ እት ቀደም ዶ/ር ዮሴፍ።

ትዕግስቲ። ምን ክልኡት ሰብ ሻም። እግል ኢትጠልም ፈርህ ለዐለ ልግብእ እያሱ። ወለ እት ክልኤ ገራብት ሕርያን ኩፋል ለዐለ ፍክረ ወሕሳባት ሰለማዊት። ህተ እተሐይሰ ናይ በዐል ኤማን ወሰባት መጣጥር እግል ትብጠር ነፍሰ ህይኣት እት እንቲ። ሰብር ደቅበት (ክለ ህሌት እት ነትጅት ደክቶር ዮሴፍ ህሌት) እት ትብል እሊ ወሌህ እንዲ ኢትብል እብ ሐጣረት ትገሌት።

ደክቶር ዮሴፍ። ክሉ በዐል ምህነት



ደክተረት እግል ልብሉ ለወጅቡ። እብ ምክር ወመዋዕድ ሐብሬ ወነሲሐት ትሐይሰ ለቤልየ ምህነቲ ለተኣምሩ እበ ኣሰኣለዮም ተ።

እት ደንገበ እግል እንዲ ኢሸፍግ ነቲጅት ፍሬ መስተቅብል ባርህ ውላድ። ወሐያት ሸራከት እግል ቲዲ ምስሉ ቀደም መትደምያት ክልኤ ዕንቲ። እብ ግርመተ ወልባበ ለሐረየ ወሐራቲ ሰለማዊት ሰመርኣብ መስኡልየት ሻምም ለትረፈዕ ሌጣ ክምሰልታመ እንዲ ኢልትዋለብ ረኣዩ ሀበዩ ደክቶር ዮሴፍ።

እንዲ ኣትሉ። “ሰለማዊት ወለቲ ዋልዲን እት ቀደም በዐል ዲን እንዲ በጥረው። (የረት ምንዲ ገብእ ወጸመት። ይእጠልመ። ወህታመ ክምሰልሁ። ትብል። ኣኪመ እንቲ ወህቲ ክምእኒ እንዲ ትብይ ከምሰኡልየት ለመጽእ መስተቅብልክም ክልኡት እንትም እንቲ ትገብእ ለትረፍዲ” ቤለይ። እንዲ ኣትሉ። “ለዕነ ማኑ በዲር ሰኣየት ትህይቤን ዐለት። ላኪን ኣኪ እበ ይህሌት እግል ይእቅሸኸኪ ክልኡትን ክልኤ ዕንቲ ማየን ትከዐ። ዝዶድ ምን ዋልዲት ኣሰክለ ፍንጌ ክልኡትክም ልትወለዶ። ፍሬ

ክልኡትክም እንቲ ቲ ለእግል እያሱ ንጻፍ ወክባብ ትገብኣ። ሐሬ ምስኪን ለልትብህል ይህለ ሐቆ ፍክር ሰለም ወለባበት ወአምር ሰለም ህሌት። እሊ እተ እንብር ህሌት እዲን ክል ዎርት ክእብ ተግባቡ ወጽልዑ ነብረ። እንትም ክልኡት ዮመቲ ማሸኣላህ እት ወክድ ሸባብክም ህሌክም። እግል እት ገቢይ ሄራርክም ጸንሐክም ኣሰብር። ጭዊቲ እት ተኣርትዕወ ወትባልሐው ለትገይሶ እንትም። እንቲ እት መጥር እያሱ ክምሰል ፋርሰ ኤርትራ ሻብ እብ ሀለዮትኪ። ሐብን ወሸረፍ ክለን እንዲ ገብኣኪ ትትርኣይኒ። እያሱም ኣሰናይክ ሰላም ለኖሰክ እግል ሄራር ሐያትክ ትምርሐክ ሕርያንክ እተ ወድቀ።

ለትርፈው ደክቶር ዮሴፍ ወእያሱ ወቲቲ እብ ደንጋጽ በረይድ ገብኣው። ሕሰ እንዲ ኢለኣፈግር ትም ወደው።

እያሱ ዶ/ር እንዲ ኢትቅም ወቲቲ ሐቲ እንዲ ኢትብልሱ። ክምእኒ ቤለ። እግል ለአግባብን ሐድገዩ ክልኤ ዕንቲ እት ዳክክ። “ረቢ ካርዑ ልግብእ ዐወር ዕንታቲ ላመ ትገብእ ህራር ክብዱ እብ ሻላት ኣናብዑ ልትኣጸብ ምኑ! እሊ ናዩ በናተ! ሞት ወሐሰ ምን ገብእ! ዕንታቲ እግልዬ ሌጠ ኣግደዐይ መሰላኒ ወደዶኒ” ቤለ ከድምኣ እበን።

ለዕልትት ትዕግስቲ ኣሰክ እያሱ እንዲ ቀርብት ክእብ ገየት ሰለመት ወፈተ። ክምእኒ ቴሉ።

“እሱ ለበዲር ፈታይ ዐለ ልብዬ ወእግል ስኔትክም ወሐዋሌክም ልተምኔ ለዐለ ደሚርዬ። ዮመቲ እንቤዕ ደሚርክ እግል ለአማሰክ ዱሉይ ህሌ። ልብክ እት ሐቲ ዶል ሻም ቀዳም እንዲ ሳርሐ ሻም ሐዲስ እግል ልትክበት ቀድር ገብእ? ላመ እበ ትሰኣልክ ሸእ ክቡድቲ (ለየሐሰብኩህ ርክብ መርገም ኢትን ወመድሐር!) ክምሰል ልቡለ ገብኣት እቲ።

ህተ እት ጀፈርክ እብ ሀለዮት። ሲመ ክፍእት ኣለብክ” ሐቆለ ቤለ። ደክቶር ዮሴፍ እግል ሰላም እት ጀፈሩ ትገሰይ እበ ለአሰማዕ እሻረት እብ ዕንቲ ከትሐዩ።

ሰላም ለልትራጅፍ ዐለ ገርብ ስኩን እት ወዲ።” ደክቶር ኣነ እግል እያሱ እትሉ ወክድ እሊ ክምሰል በዐል ሻሙ እንዲ ኢትርኡኒ። ክምሰል ክል ሐቲ እንዲ ገብኣኪ ከእበ ትትቀደረኒ ሰደይቼ እግል እውዱ እንዲ ኢትን። ለዐለ እግልን ሻማት መሰለ ኣኪ ምንክ እሰምዑ ለህሌት ፍግራት መርመሪ ዕንታቲ እት ናይ ደንገበ መሐጠት ሻምን ሕይዋቲ ህሌት። ኣይወ! እያሱ እብ ክልኤ ዕንቲ እት ልርኤኒ እግል ንትናበር ዐለት ትምኔቼ ወእለ ኢገብኣት። ኣናመ ምን ዕምር ንእሼ እግል ብእሼ እት እመሬሕ ወእዋሌ እግል እንበር ደሚርዬ ኢልትክበተ እዩ! ሻምምምምን ኣክተተተመ!” ትቤ።

እግል እተ ጀፈር እያሱ ከርየተ ለዐለት ቦርሰተ እንዲ ትናወለት ምን እቲ ምስሎም ክለት ለዐለት መሐብር እት ሰላመት እንዲ ኢትብል ክባይ ገበኣት።

ለምን ሰለማዊት እተ ምዕጋሎም

ለትርፈው ደክቶር ዮሴፍ ወእያሱ ወቲቲ እብ ደንጋጽ በረይድ ገብኣው። ሕሰ እንዲ ኢለኣፈግር ትም ወደው።

እያሱ ዶ/ር እንዲ ኢትቅም ወቲቲ ሐቲ እንዲ ኢትብልሱ። ክምእኒ ቤለ። እግል ለአግባብን ሐድገዩ ክልኤ ዕንቲ እት ዳክክ። “ረቢ ካርዑ ልግብእ ዐወር ዕንታቲ ላመ ትገብእ ህራር ክብዱ እብ ሻላት ኣናብዑ ልትኣጸብ ምኑ! እሊ ናዩ በናተ! ሞት ወሐሰ ምን ገብእ! ዕንታቲ እግልዬ ሌጠ ኣግደዐይ መሰላኒ ወደዶኒ” ቤለ ከድምኣ እበን።

ለዕልትት ትዕግስቲ ኣሰክ እያሱ እንዲ ቀርብት ክእብ ገየት ሰለመት ወፈተ። ክምእኒ ቴሉ።

“እሱ ለበዲር ፈታይ ዐለ ልብዬ ወእግል ስኔትክም ወሐዋሌክም ልተምኔ ለዐለ ደሚርዬ። ዮመቲ እንቤዕ ደሚርክ እግል ለአማሰክ ዱሉይ ህሌ። ልብክ እት ሐቲ ዶል ሻም ቀዳም እንዲ ሳርሐ ሻም ሐዲስ እግል ልትክበት ቀድር ገብእ? ላመ እበ ትሰኣልክ ሸእ ክቡድቲ (ለየሐሰብኩህ ርክብ መርገም ኢትን ወመድሐር!) ክምሰል ልቡለ ገብኣት እቲ።

እቤ! እሊ ለምስንዮቼ ወዲተ ውዲት ዕጡጡት ወኣግሚተ። እብ ሰብብል እግል ኖሰክ ኢረክብኩህ ረኣይ ክልኤ ዕንቲ። እንቤዕ ደሚርክ እግል ተኣሻልተኪ። ኣነ መቃብል ወዲተ። ካጥርክ እግል ኢትሰበር። ወልብክ እግል ኢልትደመል። እንዲ ይእትዋለብ። እምበል ቀሰብ ወኣትኣላይ። ሸንርብክ ቀዳሚት ውሐራት ምንዲ እሰፍፍ እግልክ ሻም እግል እመነሐክ ከምሰል እት ሰለማዊት መለህዬ ትደመልኩህ። እቲም እንዲ ኢትትደመል ሻም ትክበት ወትመጤ። ሰምዐኒ ኢሱ። ሰምዐኒ ትሰመዐኒ ክምሰል ህሌክ ኢቤዲት ምንዮ። ሰመዕ ክልኤ እዘንክ ሰምዐ ክምሰል ህለዩ ኣምረት ህሌት። ላኪን ልብክ ክሰት እግልዬ ጋሽይትክ ህሌት። ኣነ በዲር እብ ሐትነት ወመልህየት። ወፍቲ ሄራር ሐያት ቲ ክብትትክ ለዐልት። ኣኪ ላኪን። እት ዐርሸ ሻም ወሸርክት ዲመ ለኢትትጠልም ገለድ እብ ደሚርዬ ኣትየት እክ ህሌት። ለኣነ እምበል ግማት ወኣትጋማይ ኣቴኮህ። ገለድ እንተ ህዩ እግል ትትክበተ ትቀድር ገብእ ሚ ኢፋልክ”? ቴሉ ትዕግስቲ ለምን ወክድ ሰኒ ረይም መዋዲት ሰለማዊት ኣሰክ ናይ ደንገበ መርሐለት ሄራር ሻምም ልበ ካርህ እግል ለየዐለ። ለማይ ማዮ መሰለ ኣጤብኦተ እተ ረሐብ ነሐሩ ሞሰት በዓል ሻም እትጣሰሱ እበን።

እያሱ እሊ ሰድ እሊ ክልኤ ዕንቲ ረኣየን ለበልሰዮ። መሰለዮሁ። ፈጅኣተን ምን ቡቲክ ሰኣየት ወወዲቅ መዐነዮያት እት ፈርሐት

ወለውቀት ተዐዳት እቡ ኣርወሐቲ ሕሳለ (ቲቲ) መስኪየት ሰለማዊት እት ዋልዩ። እሊ ኮን መሰጢሩ ብዘኣ ቲ እት ቀደም ሰዋኒ ምስል ዐወር ዕንታቲ እዲን እብ ግዲደ ጣልመቲ ለህሌት መሰል እቲ ለዐለት እያሱ። ብካይ ዕንታቲ ለኪነዩ ብካይ ደሚሩ ለትሰማዕ እግሉ ረክበ እት። ፡ ኣይወ! ዐጃይብ ቲ ለእግሉ ትርኤ ወትሰማዕ። መስኪየት መስኡልየት ዲመ ትክበተት። ብዐል ሻም ምን እሲት ፋርሰ ለረኣይ ክልኤ ዕንቲ ለመንሐተ በህጀት ወሀርብት። እት ቅባል ክሉ ዕንታቲ ለጃምም መሰስ እግሉ ኢለሐግል። ላኪን ብካይ እብ ደሚሩ ላቲ ሞሰት እንብዕ ደሚሩ ምን በዐል ኣማን ወኤማን ልትጸበር!”

ዶ/ር ዮሴፍ ለእብ ምክሩ ወእንሳኒያይ ነሳይሑ ለኢተዐወተ እቲ ሻም እያሱ ወሰለማዊት። ፈጅኣተን “ኣሰናይኪ። ኣሰናይኪ ቲቲ። ኣሰናይኪም እብ ሕበር። ውለዶ ወዓቡ ኣሰክ ክርፎፈዮት እብ እብር ትገብኣ። እተ ለእግል ትወዲ ለኢተኣትዕስ ምስዳር እግል ትንሰእ ህሌት እኩ። በደል እሊ ወሌሁ። ወኣንጅላል። ወኣንጎጋይ ብትክት ሰኔት ቲ።

ሰለማዊት ኖሱ ሐምዲ ተኣሰትህሉ። ለእግል ሐሰበት ምንዲ ወዲት። እሊ እንትምመ። እንትመ ህተ ለየኣርትዐተ እንትም ወጅሁኩመ” እት ልብል እብ መትወላድ ሐዲስ ሻም ትብሸረ።

ተዩልል ሄራር ሻም እያሱ ወሰለማዊት ምን ሰልፍ ተብገሰቲ እብ መታክል ለሐልፍ ሰበት ዐለ። ትዕግስቲ እብ ተብገሰቲ እት እንቲ ለአፈርህ ዐለ። ሐያት ህዩ ቀልዐተ ለኢልትዐዳ እት ጣፍሐተ ላቲ ክሉ መልህይ ገብእ ወፈታይ ክምሰል እሊ ተዩልል ለእሎም ክልኡት እሎም እበ ክምሰል ሐለፍክ ምሕልልክ ልትደሌ ወጽድቅክ ልትፈረግ።

እሊቲ ኣኪ ሰላም እግል ትትድፍዑ ለዐለ እግል ዐውል ትዕግስቲ እሰትሸሃድ እግል ትድፈዕ ትቀሰበት መቃብል ውዳዩ።

እያሱ ወትዕግስቲ እት ዎርት ምን ደገገት ኣሰመረ። ቀይሕ ኣቶቡሰ ለትበጽሐ። ክልኤ ኣዋልድ ወሰለሰ ውላድ። ለወልደት ዓእለት መርሐ ህለው ምን እብለክም ህዩ ሚ ገብእ ወትብው! ለሬመ ሄራርም። በሊሰ ዋሬ ወካሬ። ረክበው ምኑ። ክል ዶል ህዩ። ለእት ፍሬ ሄራሩ በጹሕ ወልትዐወት። እግል ክል ሰድት መቅጠን ለወዳ ቲ።

እቤ! ፍቲ ወሕሽመት ኣድሕድ ለትትመወን ዓእለት እግል ኣብ ወእም እንዲ ገብኣው ነብር ህለው። ለሻመ ክልኤ ዶል ኣትሃገ ሰለማዊት ላቲ ደሀዩ ኢረክብኩ።

ሞሰት ለእንቤዕ ደሚር መሰት!! በርክተ እት ደንገባህ ፈሰት!! እት ኣማን ለኣተንክበት ቅሰት!!” ተመት።

ሄራር ተዕሊም ዲብ ምዴርየት ነቅፈ

ሙሰውር፡ ክብርም ጸሀይ

እተ ለሐልፊ ወክድ ሰሐፍዩን ቅስም ጀራይድ አሰክ ምዴርየት ነቅፈ እንዴ ተሐረከው ሄራር ተዕሊም ምዴርየት ነቅፈ እግል ልድለው፡ ምስል እስታዝ ጅምዕ በኪት ጅምዕ መስኩል ተዕሊም ምዴርየት ነቅፈ ሃድጋም ዐለው። አወላይ ክፋል መቃብሉቶም ህይ ዲብ እሊ ናይ ዮም በርናምጅ እግል ንቅድሙ እግልኩም ተ፡ ቅራኣት በኪተት።



እስታዝ ጅምዕ በኪት

ተዕሊም ዲብ ምዴርየት ነቅፈ ዲብ ሰኔት ሓላት ህሉ፡ ዲብ ኩሉ እዳራት ደዋሒ ህይ መዳርሰ ህሉ። ናይ ዐባዩ ልግበእ፡ ረውዳት፡ መአንብታይ ወምግባይ ደረጃት ህሉ። ከምስልሁመ እብ ለትፈናተ አሰባብ ዲብ ፅምርም ተዕሊም እግል ልርከቦ ለኢቀድረው አጀኒት እብ ዐረዮ እግል ልድረሶ መዳርሰ ፍቱሕ ህሉ። እትሊ ወክድ እሊ ናይ ሰነት 2025/2026 ረውዳት 53 ነቅጣት ህሉ። መአንብታይት 29፡ ምግባይ ደረጃት 8 ወሐቱ ናይ ካልኣይ ደረጃት መዳርሰ ህሉ። ሐቲ ቦርዲን ዲብ እሊ ምዴርየት ህሉ። ምግባይ ደረጃትም ሐቲ መድረሰት ሰሙድ ለትትበህል ቦርዲን ህሉ።

እብ ዐደድ ደረሰ ርኤነ ምንገብእ ህይ ዲብ ረውዳት 1035 ደረሳይ፡ 843 አዋልድ አንሳት ለብዲሶም ህሉ። ዲብ መአንብታይት ደረጃት 6,037 ደረሳይ ህሉ። 2,614 አዋልድ አንሳት። እሊ ዐደድ አዋልድ አንሳት ምስል ውላድ ዶል ተአትራእዩ ሐድ ህሉ ምንመ ልትበህል፡ ምን ወክድ ዲብ ወክድ ዐቦት ለአርኤ ሰበት ህሉ ሳኪን ለመሻረከት ለትትሐመድ ተ። ምግባይ ደረጃት 2,131 ደረሰ ህሉ። ምን እሎም 880 አዋልድ አንሳት ተን። እሊ ዐደድ አዋልድ ዲብ ምግባይ ደረጃት ሐድ ምንመ ህሉ፡ ምን ሰነት ዲብ ሰነት ተቅዩር ለአርኤ ሰበት ህሉ ብዙሕ ለልኣፈሮህ ኢኮን። ዲብ ካልኣይ ደረጃት 1,208 ደረሳይ ህሉ። 453 አዋልድ አንሳት ለብእቶም። እሎም ደረሰ እሎም ሰርም ዲብ ቦርዲን ለነብር እትገብእ ሰርም ህይ ምን መዲነት እንዴ መጽአው ለደርሶ ቶም። እትሊ መድረሰት ቦርዲን ደርሶ ለህለው ደረሰ አካን ምስካቦም እብ ዘንክ ሰበት ተ ወምን ሰነት 1998 አሰክ እሊ ተአተላሌ ሰበት ህሉ። እህትማም እግል ልትህየብ ንትወሴ ልብል እስታዝ ጅምዕ። ፅሙማይ ዲብ እሊ ወክድ እሊ

ለህሊ እሎም ደረሰ 4,781 አዋልድ አንሳት ለብእቶም 11,111 ደረሰ ዲብ መዳርሰ ነቅፈ ደርሶ ህሉ። ብዙሕ ሙደርሰን ዲብ ረውዳት 126 ሙዐልሚን ህሉ። ዲብ መአንብታይት ደረጃት 185 ሙደርሰን፡ ዲብ ምግባይ ደረጃት 71 ወዲብ ካልኣይ ደረጃት 53 ሙደርሰን ህሉ። ፅሙማይ ህይ 435 ሙደርሰን ዲብ ዝዙም ተዕሊም ለልኣደርሶ ህሉ። ዲብ ናይ መአንብታይት ደረጃት ህይ ምስል ብዙሕ ደረሰ ሐዲነ ሙደርሰን ህሉ። እትሊ ወክድ እሊ ህይ ሐዳይሰ ሙደርሰን ለልትወሰኑ ሰበት ይህለው። ወለ ዐለው ሙደርሰን እብ ለትፈናተ አሰባብ ሕማም ውበዕድ ሰበት ነቅሶ እህትማም ዲብ ወሰኑት ሙደርሰን ለአትሐዘ ህሉ። መዐሐድ ሙዐልሚን እንዴ ደርሰው ለመጽአ ሰበት ይህለው ናይ ካልኣይ ደረጃት ደሐን ሙደርሰን ምንመ ህሉ። ዲብ ናይ ሕሰት ሕሳብ ወእንግሊዝ ሳኪን ድዕፍነ ሙደርሰን ህሉ እግልን እት ልብል ወዲሕ እስታዝ ጅምዕ።

እት ምዴርየት ነቅፈ 11 እዳራት ደዋሒ ህሉ። እሊን ልትበህሊ ለጸንሐዩ መዳርሰ ህይ ዲብ እሊን እዳራት ደዋሒ ምዳዳት ለህሊያ ተን። ሐቲ አሰክ እሊ ናይ ተዕሊም በክት ራክበት ለኢህሉት ህይ ማሽሊት ለትትበህል እዳራት ዳሕዩተ። እሊ እዳራት ዳሕዩት እሊ ምን ምዴርየት ነቅፈ፡ ጋሽ በርኩ፡ ዐንሰበ ወአፍዐበት ለመጽአ ሽዑብ እብ ሕበር ሰበት ክብረ ወለ ሽዑብ ህይ ክልዶል ግሱይ ሰበት ኢኮን እግል ትርክቦ መሻክል ሰበት ገብኣቱ አሰክ እሊ በክት ተዕሊም እግል ትርክብ ለኢቀድረት። አዘ



ለህሊ በርናምጅ ህይ እብ ገበይ ዐረዮ ውተዕሊም ዐባዩ እግል ልትክሰት ዲብ ክም ስታት ጸብግሙ ህሉ። እሊ በርናምጅ እሊ ሰልፍ እብ ዐባዩ እንዴ አሰብዴክ ካሬ ድራሳት ክም ገብኣ አክል-አዩ ናይ ዐረዮ፡ ረውዳት ወመአንብታይት ደረጃት

አጀኒት ህሊ ዲብ ክም ትፈረገ ወመንፈዐት ተዕሊም ሽዑብ ክም ለአምር እንዴ ገብኣ ለልኣሰብዴ በርናምጅ ተ። ሰልፍ ኩሉ ሳኪን ለሰነን ምን አቅሊም ዲብ አቅሊም ለልግዕዞቡ ለህለው አግቡይ ዲብ መፋህመት ተአትሐዘ ህሉ። ናይ ነቅፈ ገብኣው ምንገብእ ምስል ነቅፈ እግል ልትጀምሦ ወዲብ ብዕድ ባካት ለገይሶ ገብኣው ምንገብእ ዲብ እዳራቶም እስትቅራር ለበጽሐቡ እግቡይ እግል ልትክደም እቱ ለአትሐዘ ህሉ። እዳራት ማሽሊት ክም ጠቢዐት ጂኦግራፍያይ መካሪት ምድራመ ርኤነ ምንገብእ አድብር ወመሓዛት ለበዘሐ እቱ ተ። ዲብ ክእኒ ለመስል ባካት ህይ ሽዑብ ኢትጀመሮ ምንገብእ ዲብ ክሉ ሽዑብ ለህሊ ዲብ እንዴ ግሰክ መድረሰት እግል ተዴ ብዙሕ ለልትቀደር ኢኮን። ሰበት እሊ



ክሉ እሊ ለትበህሊ መሻክልቱ ዲብ ተዕሊም ተእሰር እምጽእ ለህሊ እት ልብል እስታዝ ጅምዕ ወዲሕ። ምዴርየት ነቅፈ እት ኩለን እዳራት ደዋሒ ረውዳት ወመአንብታይት ደረጃት ህሉ። ምን እሊ መዳርሰ እሊ ለልኣልፎ በክት ናይ ምግባይ ደረጃት መዳርሰ እግል ልርከቦ ለህሊ በክት እት ወድሕ እስታዝ ጅምዕ በኪት፡ ለምግባይ ደረጃት ለኢህሊ ዲብን ባካት መአንብታይት ክም

ናይ ተዕሊም ብዙሕ መሻክል ኢህላኒ። ህሉት መዳርሰ ሌጠ እንዴ ኢገብእ ፈህም ወፈሃዐት ናይ ሽዑብ ምዴርየት ነቅፈመ ሰነ ሰበት ተ ዲብ ተዕሊም ምን ሰዴ ለህላቱ። እሊ ካሬቱ እንዴ ትበህሊ መትገሳይ እንዴ ኢገብእ ህይ ልሳዕ አዘመ ዲብለ ትወቀለት ደረጃት እግል ልትበጻሕ ጅህድ ውተዕቢኣት ለአትሐዘ። እሊ እግል ልትወወት ህይ ውዛረት ተዕሊም ምስል መስኩሊን እዳራት ዳሕዩት እብ መትግሞን ክልዶል ክም ከድሞ እቱ እስታዝ ጅምዕ ለሐብር። እት ምዴርየት ነቅፈ ለህላዩ ቦርዲናት መሻክት ዲብ ተዕሊም እግል ትዕቤ ደረን ወለህሊ መሻክልን እት ወዲሕ ህይ እስታዝ ጅምዕ በኪት፡ እሊን ቦርዲን እንብለን ለህሌነ መዳርሰ እግል ምግባይ ወካልኣይ ደረጃት ለደርሶ ለልትክበታ ተን። ዲብ ሰሙድ ለመጽአ ህይ ምን መዳርሰ ምግባይ ደረጃት ለኢህሊ ዲብን ባካት ቶም። እምበልሆም እግል ልድረሶ መቅደረት ለአለቦም ግዱዓም ደረሰ እንዴ ትክበተት ተአደርሰ። ለናይ ካልኣይ ደረጃት ቦርዲን ሳኪን ናይ ኩሉ ምዴርየት ዲብ ካልኣይ ደረጃት ለሐልፈው ተ ለትትከበት። አግቡይ ጽብጠት ናይ እሊን ቦርዲናት እንርኤ እት



ምን ዐደም እግል ልትፈንተው ሰበት ኢቀድሮ ሰሳይ ክም አትመመው ሳኪን ዲብ መድረሰት ሰሙድ መጽአ። ምን ሰሙድ ህይ ዲብ ቦርዲን ጸብረ ለሐልፎ። ምን ቦርዲን ዲብ ቦርዲን ልትዐደው። ምን ጸብረ ህይ ናይ 12 ፈሰል ድራሰቶም እግል ለአትምሞ ወክድመት ወጠኖም እግል ለደው አሰክ ሳወ ልትሳርሐ። ሰበት እሊ

ህሌነ ህይ ሰነ ተ። እግልሚ ዲብ መዳርሰ ለህለው ሙደርሰን ክም ሙደርሰ ወዋልዲን እንዴ ገብኣው እግል ደረሳይ ሰበት ራዕደ። ዲብ ፈሰል እንዴ አድረሰምም ዲብ መስኩብመ ህቶም ቶም ለወጅህም። ምስል ክል እዳራቶም ህይ አዩ መሻክል ለቡ ደረሳይ፡ ሚ መስል ሐብሬ እንዴ ለእኩው አሰክ “ምጽአ ወረኣው” ዲብ ልብሎ ዐዳ ክም ጋንሕወ ወዳ። ወመስኩሊን እዳራቱ እንዴ መጽአው እብ ሸክል እጅትማዓት ወመዋጀህት ክም ለአትናዩቶም ገብኣ። ሰበት እሊ እብ አግቡይ ሰነ እግል ደረሳይ ጸብጠት ሌጠ እንዴ ኢገብእ። እሊን ቦርዲናት እሊን ዲብ ዐቦት ተዕሊምም ዶር ዐቢቱ ለህሊ እግልን። ሰበት ደረሳይ አሰክ አዩ እግል ኢጊሰቱ ሕኔት ልብል፡ አሰክ እምርት ወንዝምት አካን ሰበት መጽአ። ዲብ ክም መጽአመ ለረክበ መራዐየት ሰኔት ሰበት ተ፡ አሰቡሕ ደርሰው ምንገብእ ናይ ምሴ ለህሊ ንቁላቶም እንዴ ፈረገው ደግሞ ወሰዳይ ወዳ እግሎም። ዲብ ወክድ ሳሊ እንዴ ኢተርፍ ሙደርሰን ምስሎም እንዴ ገብኣው ክም ዛክሮ ወድዎም። እግል ዋልዲናምም ውላዶም ዲብ ተዕሊም ከአፎ ገይሶ ህለው ክልዶል ሐብሬ ልትህየብ። ሙደርሰን ሸቅወ ለህለው ሸቅል፡ ደረሰ ባጽሐመ ለህለው ደረጃት፡ ክምስልሁመ ናይ አዩ ደረሳይ ቅዶብ ምን መድረሰት ትረኣ ምንገብእ። እተ ዶሉ አሰክ እዳራት ከትቦ። ፍላን ወድ ፍላን ምን እሊ መድረሰት እሊ ኢህላኒ እንዴ ትበህሊ ሐብሬ ልትለኣክ። “ርኩቡ ወእንዴ ጸብጥኩም አምጽአው” ልብሎም እት ልብል ቦርዲናት ወለ ህሊ እሊን ካድም ወዲሕ እስታዝ ጅምዕ።

ለህሊ መሻክል ህይ ለደረሰ እብ ፅምር እንዴ ልንእሾ መጽአ ሰበት ህለው ምን ዐደም እንዴ ትፈንተው እግል ልንበር ናይ ሙስተቅብል ሄራር ብዙሕ እግል ልፍህም ሰበት ኢቀድሮ፡ ምን ቤቶም መትፈንታዮም ሌጠ ሰበት ለሐሰቦ እግል አፍህሞቶም መዳርሰ ወእዳራት ብዙሕ ጅህድ እት ወዱ ዲብ ተዕሊም ክም ፈድሶ ወድዎም ክም ህለውመ ለሐብር።

ፊቃዶ ቀዳሚት ወገለድ ሓሪት

ምን የም 24 - 27 አፕሪል 2026 አንፋር ማህበር መትሰዳዳይ ክፍል ዳኝ 96 አስክ መሳክብ ንዳል ለምን ሰነት 1983 - 1988 እግል ሐምሰ ሰነት ምስል አባይ እት ልትሓቅ ለሐላፊው መሪ ግድለ እግል ፊቃዶ፡ ወእቱ ለቀብረም መልሂቶም እብ ሕሽመት እግል ልትዘከር፡ ወእግል ዲቡ ምን ትደህረት (ማሉ ወንዋዩ) አስክለ ትወቀለት ወቀሌት (ደሙ ወአርወሐቱ) እንዴ ኢጠሜዕ እት መጦርም ወድቅ ወቀንጽ ለዐላ ሽዑብለ መንጠቀት እግል ልጋንሐ፡ ምን ክለ ኤረትርዮ ምን ለትፈናተ አቃሊም እንዴ ተባብሰው፡ ሰፊላሎም እግል ሹሃዳሆም፡ ምድርም ወሽዕም እግል ለአብርዶ፡ እብር ወምሰክነ እንዴ ኢከረም፡ ክሎም እብ ሕበር፡ ዐቢሆም ወንኡሾም፡ አንሳም ወተብዑቶም፡ አስክ ሐቱ ምን ምድር ፍርሰነት ወንዳል ላተ ጀብሀት ሐልሓል ትባብሰው።

ሀደፍ ናይ እሊ ሰፊር እሊ ክመ ለዐል ዝከር ለሀለ አትሓሳይ ለትፈናተ ፊቃዶታት ቀደም 38 ሰነት ለዐለ ተዋልል ምንግቱ፡ ዝያድ ክሉ ላኪን ክልኤ ዐባዩ ጋራት እት ወግም እንዴ አተ፡ ምን ቀደም ሰባ ሽሀር መዳሊት እት ገብእ እሉ ዳኔሕ ዐለ። እሎም ክልኡት ሀደፍ እሎም እብ በን በኖም ዶል እንርእዮም ክም እሊ ተሌ መሰሎ ዐለው።

ለምርት ሀደፍም እተ ለትፈናተው ምሕርቦት ጀላብ ሕርየት ወእስትቅላል ድፋናም እቱ ለሀለው ድዋራት እንዴ በጸሕክ፡ ጋንኩም ልቅሰን፡ አማነትኩም እት አነነ ሀሌት፡ አስክመ ትንፋሰነ ሀለ እት መሸንገልነ ጸውራመ ሀሌት፡ ኢትረሰዕናኩም አባይኩም ልትረሰዕ፡ አማነትኩም እት ወላድኩም ወውላድ ወላድኩም እብጽሓመ ወእውሩሳመ ሀሌነ እግል ሊቦሎም፡ ወእብ ሕበር እንዴ ትገሰው ታሪኩም እግል ለሓኩ ወልሰጅሎ ለትባብሰ በርናምጅ ፋዩሕ ራፍናም ዐለው።

ለካልእ ዐቢ ሀደፊ ህዩ እግል ግንሓት ናይላ ሕሽም ገቢል ለእት ሕቅፋ ሐቅፊቶም ወእት መሸንገሎ ህንብእ እንዴ ወደቦም፡ ምን ለ ገበእት ሕጌ ወሳትር ገብእ እሎም ለዐለ፡ ዓማት ሰውረት..ዓማት ሐጠር ወንዳል ላቱ ሽዕም እግል ልጋንሐ፡ ወምሰሉ ለዐለት እሎም ዕላቀት ትርድት እግል ለአትሐሰሱ ወእግል ልወቅሎ ወምሰል ለገቢል እግል ለአማሕብር እብ ወቅል ሸንሀት ለትባብሰ በርናምጅ ቱ ለዐለ።

እሎም ክልኡት ጋራት ዐባዩ ወእት ቀብቶም ለተሐቀፊ ካልእ ለትፈናተ መሳእል እንዴ ትዩመመ፡ ዝያድ ሰባ ወሬሕ መዳሊት ገብእ እሉ ሰፊርል ዲብ የም 24/04/2026፡ ምን ለትፈናተ አቃሊም ዐድነ እንዴ መጸው እት አስመረ ምዩያም ለዐለው፡ ምስለ እት አስመረ

ለዐለው አንፋር ማህበር እብ ሕበር ሳዕት ሐምሰ አስቡሕ ምን አስመረ፡ ወምን አቅሊም ጋሽ ባርክ ለመጸው እተ ክምሰልሁ ምን አቅርዶት አስክ ከረን ተባብሰው። ሳዕት ሰማን ክሉ አንፋር ማህበር ምርት ከእብ እንክሩ ምስለ ምን አቅሊም ዐንሰበ ብጉሳም ለዐለው፡ እተ እብ እዳረት እቅሊም ዐንሰበ እግል ሕሽመቶም ፍጡር ዱሉይ እተ ለዐለ ቃዕት ተአክበው። ሐቅ ፍጡር ክሎም አንፋር ማህበር እብ ሕበር እተ ረአሰ አውቶቡሳቶም እንዴ ገበአው ገበይ ጸዕዳ አስክ ጀብሀት ሐልሓል ተአልበጠው። እት ገበዮም እግል እት ጀንገሬን ለሀለ እት ሰነት 1988 ሐድ 65 መሕርቦት ልዋእ 49 ክፈል ዳኝ 96 ምስል እት ሐቱ ዶል ለአስተሸሀደው እተ አነነ፡ እተ ብኩይ ለሀለ ትምሳል ሹሀደ እት ለአትቃምቶ፡ (ትምሳል ሹሀደ ጀንገሬን ቀደም ገሌ ሰኖታት

ደራጉ እንዴ ትሰርሰረው፡ እግል ምሕርቦት ናይረት ከብቱ ወደው እሎም። ሐቅ መደት መዲነት መለብሶ ክም አተው፡ እተ ክምሰልሀ ክሉ ደረሳይ እተ ሻሬዕ ናይላ መዲነት እንዴ ጸንሐ፡ እግል ጋሽ ከብቱ ሕሽመት እንዴ ወደ፡ እምበል ዕርፍ መጦርለ አተብሳት እት ልትሳሰው አስክለ እብ ሽዑብ መለብሶ ማይ ወንብረ ዱሉይ እተ ለዐለ አነነ ኡብጸሐም።

እት መለብሶ ሐቅ ጸቤሕ፡ እብ ፍርቀት ቀይሒት ዕንቦባ ዕፌ ዓዳት ትቀደመ፡ ለማሕበር ዐደድ ሐሊቱ እግል እሎም ፍሬ ፈጅር ላቶም ነኣይሽ መትናይቲ እንዴ ሀቤ፡ ሰፊሩ አስክ ረህዩ አተላለ። ክፈል ጃሽ 96 እግል ዝክረት ክሎም ዲብ እሊ ጀብሀት ለአስተሸሀደው ምሕርቦት ለገብእ ትምሳል ሹሀዳ ባኒ እተ ለሀለ አነነት ክም በጽሐው አዜመ ምን መሸንገል መካይናም እንዴ ትከረው ዲብ አነነ ዝያረት ወደው



እሊ የም ንትመተዕ እብ ለህሌነ ሕርየት ቱ። ሐቅ ረህይ፡ ሐዲሰ ድን ለብእተ ዲብ ሮራብ ዐሰርቱ ለህሌት በዲር ወድነ ሐርብ ለዐለት አነነ፡ የም ድን ሳብት እንዴ ተአሰሰ እተ ገቢል ምን ወደግ ወሳሰት እንዴ ትጀመዐ መድረሰት ወብዕድ ከዳማት እጅትማዕየት ለብእተ አነነ ክም ሐልፈው፡ እብ ግምጨት ወልወሊት ገበይ ተብት ዐሰርቱ አስክ አሰማዋ ትከረው። ዲብ ሕግሰ ደብር ለሀለ እሊ መ ፈድል ሕርየት ለትወለደ ድን ዕሙር ዋንኪ ወምኑመ ሀውሽ

መድረሰት እሊ እት መንጠቀት ማርዮ ጸላም ለህሌት ተ። ዲብ ሰነት 1981 ወሐር ህዩ ተአሰሰት። እት ሰነት 1984 ለምድር ጀሐር ወመጃዕት ትክለቀት እቱ፡ ወእብ ሰብሱ አዳም እብ አፊ ለመይት እቱ አዋይንመ ትረኡ፡ እሊ ዝሩፍ እሊ ለከልቀዩ ተዋልል እግል መድረሰት እት ሰልፈ እት እንተ መታክል ሳደፊዮ። እብ ሰብሱ ህዩ እንዴ ትደበአት ደረሳህ አስክ መድረሰት ሰውረት ዐሬርብ እግል ልግዐዞ ትቀረረ፡ ምናተ ማርሓይ ክፈል ዳኝ 96 ለዐለ ሸሂድ ሚጅር ጀነራል ህይሌ ሳምኤል። “ትውሐድ ትብዛሕ ምስልነ ለህሌት ምስል ንትሓወሉ፡ ለመድረሰት አነነ ኢተአጠሉቀ” እንዴ ቤሉ ህቱ ወዳሹ ምን ሐድ መሻርፎም ምስለ መድረሰት ክም ልትካፎሉ ሰብት ወደው፡ ለመድረሰት እግል ኬልም ተዋልል እንዴ ተዐዲት፡ የም ባጽሐተ ለህሌት ደረጃት ዶል ተአቅምተ፡ ምን ሙደርሲነ እንዴ አንበትኩ፡ ወእት ክለ ለዐድ ደካትረ፡ መሀንድሲን፡ ሰፊረእ ወብዕድ ህቶም ለአህለው እቱ መጃል ይህሉ። ከእለ አነነ እሊ አንፋር ክፈል ዳኝ 96 ልግብእ ወክሎም ሰነን ምዲርየት አሰማዋ ለአልትረሰዕው ሐቱ ምን ብዝሓት እት ፍንጌ ምናድሊን ወሽዑብ ልትረኡ ለዐለ ዕላቃት ትሩድ ተ።

እትለ የም እሊ ሐቅ ፍጡር ዲብ መሰረሕ መዲነት አስነደ ለገብእ ዕፌ ዓዳት እብ ፍርቀት ቀይሒት ዕንቦባ ምዲርየት አሰማዋ ክም ትቀደመ፡ እግል ፍርቀት ለለአትናይት ተብርዓት እብ አንፋር ማህበር ተሀየቤ። ሐቅ እሊ በርናምጅ ዝክርያት ታሪክ እብ አብው ወእማት ምዲርየት አሰማዋ ወአንፋር ማህበር መትሰዳዳይ ክፈል ዳኝ 96 እብ ሕበር ገብእ። እተ ገብእ ድግም ሽዑብ ወሰውረት ሕድ እንዴ ጸብጠው እግል ሕድ ሕጌ ወሳትር ጋብኣም ክም ዐለው ለልአክድ ብዙሕ መዋቅፍ ትሸርሐ። ዲብ እሊ ምዕል እሊ ሓክም አቅሊም ዐንሰበ ሰፊር ዐብደላ ሙሰ ወተሎኔል ወድ ፍሩጅ ወብዕዳም መስኡሊን ወእዳርዩን አቅሊም ዐንሰቤ፡ እተ ክምሰልሁመ ርአሰ ሕሽመት ናይላ መሕበር ላቱ ብርጋደር ጀነራል ጸሃዩ ካሕሳይ (ወዲ ካሕሳይ) ሹሩካም ሰብት ዐለው፡ ለመሕበር ዝያደ ጋምል እት እንቱ ወዐለ።

ዲብ 78 8 ልተላሌ...



ለትብኩ ዝክረት እግል ክሎም ሹሀደ ገብእ እት ሀሌ፡ ወቅት ጀላብ እግል ልትክሰብ፡ ቀደም ሽሀር ብዝሓም አንፋር ማህበር ዲብ እንዴ ጌሰው፡ ምስለ ሽዑብለ ድዋራት እንዴ አመሕበረው፡ ናይ ሓክዮት በርናምጅ ጋብእ እሉ ሰብት ዐለ፡ ታሪኩ ክሉ ዲብ ትሰጀለ) ወለተዋልል እት ለአትዋይኖ አስክ ሐልሓል ለትፈግር ሰጋደት ሰንቀ ተአልበጠው።

መዲነት ሐልሐል እንዴ ሐልፈው ደገ ማይ አዋልድ ዶል በጽሐው፡ ደረሰ መዳርስ ማይ አዋልድ፡ ለጸሓይ ሳርዕት ወለ ከበር እንዴ ኢሊሆቤ፡ ዘይ መዳርሶም እንዴ ለብሰው፡ ለሻሬዕ እተ ክልኡት

ወሰወር ዝክረት ትሰወረው። ሐቅ እሊ ገበዮም እንዴ አተላለው ማሊ ምድር መዲነት አስነደ ተመመው። ምን ሐልሐል እንዴ አምበትክ አስክ አስነደ ትብጹሕ፡ እት ዘመን እስትዕማር፡ ደገጊት ክሉ እንዴ ነድ፡ ሽዑብ እት ሳሳት ወአድብር እንዴ ትሸተተ፡ ለምድር ከደን እብ ሃሉ እንዴ ገብእ ታርፍ ዐለ፡ የም ላኪን እብ ፈድል ሕርየት ዲብ ዕሙር ደገጊት ወመዳይን ብዱል ሰድ ትርእዩ ፍሬ ሕርየት አክልሚ ክምቱ ሸክ ኢትወዴ። ዲብ እሊ ባካት እሊ እብ ሕኩመት ለገብእ ከደማት እጅትማዕየት በህለት መዳርሲ፡ ዓፍየት፡ ከደማት ማይ እትሳሳት ወለመሰሉ ህዩ ፍሬ ናይ

እንዴ ሐልፈው ህዩ ማሊ ምድር ዲብለ አማመ ለዐለው መዲነት አስነደ ተለው ቤለው።

ዲብ መዲነት አስነደ እንዴ ትመየው ወሽዑብ አስነደ ክምሰለ ምን እስቡሕ ለሐሉፋ ለዐለው መዳይን ወደገጊት ከብቱ ናይረት ወደ እግሎም። ተሐደረዮም፡ ሐረባቶም ወዝያድ ክሉ ህዩ እብ 78 ፋርሕ ትክበተዮም። ፈጅራተ የም 25/04/2026፡ ምድር ክም ጸብሐ፡ እትሰልፍ እግል ሐድ 200,000 (ክልኤ ምእት አልፍ) ነቅፊ ለከለፊ፡ እብ አንፋር ማህበር መትሰዳዳይ ክፈል ዳኝ 96 እት መድረሰት ቦርዲን አሰማዋ ለትበነ ሚዳን ኩረት ሸግዲት ወሸሊቦል፡ እብ ረሰሚ ዓደት መድሓራት ወደው እሉ።እምበል እሊ መ እብ ወዛረት ድፋዕ ቅሰም ተውዕያት ወአትፋዘያት ለትብርዕው እብ አላት ርያደት ክም ኮብሪት ወፈላይን ወእሉ መሰል እግል መድረሰት ትሀየቤ።

አሳሰ መድረሰት ቦርዲን አሰማዋ ምን እት ሐንቱ ሕናን ዋያራት ወረጅም መዳፊዕ ዲብ ወክድ ንዳል ለተአሰሰየ እት ገብእ፡ እሊ





3ኛ ወናይ ደንበ ገጽ

አድራሻት ዐንደም ዲብ ንዳል ተሕሪር

ዲብ ጀግንነት ከምሳል ትወዘዘኩ ኣሰልፍ ዲብ ናር ወእብ ፍንቱይ ምፍግር ገሊልቱ ለዐልኩ ከዲብ ወቅት ለህይደ ዲብ ነዘሞት ሸዐብ ሳድፍ ለዐለ ሚ ትዘክሪ?

እሊ ባካት እሊ ቀደምን ጀብህት ተሕሪር ዐለው እቲ። ጀብህት ተሕሪር ህይ ምን ሸዐብ እሸት-ራካት ለአፈግር ዐለው። ኣዜ ሕነ እሎም እምብሎም ለዐልነ መዝማትነ አደሐ እንዘሞም ወላሊ ህቶም መጸኣ ከክሉ ሸእ ለሐምርን ምነ ዐለው። ሐሬ ላኪን ለምሳሌር እብ ፈድሊ ምሳልነ ናድሊ ለዐለየ አዋልድ አንሳት እግል ንርከቡ ቀደርን። ህቲ ህይ ክእነ ለመሰል ዲብ ክል ወሬሕ መጽእ ወሚ ወዴ ኢነአምር ከምሳል ቤሊያኑ ሐቀሁ መራቀቡት እንዴ ገብአት ለነፈር ትጸበጠ። ሐቀ እሊ ወክድ እሊ ላኪን ክሉ ሸዐብ ናር ዲብ መጦር ጀብህት ሸዐብየት ተዐንደቀ።

ሐቀ እሊ ለሸዐብ እብ ከማሉ እንዴ ተዐንደቀ ጀብህት ሸዐብየት ሚ ከምተ ወሀደፈ ሚቲ እግል ልፍህም ሌጠ እንዴ ኢገብእ እብ ፍዕል መጦር ጀብህት ሸዐብየት እግል ልብጠር ቀድረ። ምን አፍዘየት ወዘዘሞት ወኪን ዲብላ ሳልሳይት ደረጀት ዐንደቀት እንዴ ተዐዳነ ሚሊሻ እግል ንከውን ወነዐንድቅ ቀደርን። ሐቀ ሚሊሻ ለትከወነ መጽልሰ ሸዐብ ቲ። ሐቀ አፍዐበት ምጽልሰ ለከወነት ናርተ። ለትከወነ ምጽልሰ ህይ ወላድ ወአዋልድ ለሸምል። ሰኒ እንዴ ተአሰሰ ሰኔ ሸቄ ዐለ።

እትሊ ወክድ እሊ ተዕሊም አው ምህር ረኢነ ምንገብእ። ክሉ እሊ ምን አድብር ወሳሳት ለከምከምናሁ ሸዐብ። መዕደኒታቲ እንዴ ነድቀ። መዳርሰ ትከሰተ እሉ። አሰክ ካልኣይ ፈሰል ህይ በጽሐው። ለቴለል እብ ክእነ ዲብ ለአተላላ መርሐላት እንሰሓብ እሰት-ራተጂ መጽት። እትሊ ወክድ እሊ ምን ንዘማት ለዐለየ አዋልድ አንሳት ሰቦ ምን ኦብእሰተን እንዴ አጀዘን ዲብ ሕክምነ ሻባይ መንደር መጀርሐን ከምሳል ራዕየ ገብአየ። ዲብ እሊ ምን ከበሰ ለመጽአየ ምን ቆምየት ትግርኻ ዲብ ጸንሐያህን። ክልኢተን ሕድ እንዴ ሐቅፊየ ዲብ ለዐልሰ ዶል ሰመዐን ውሕደት ሸዐብ ኤራትርየ አክል አዩ ትርድት ከምተ ትትየቀን። እሊ ህይ እብ ፈድሊ ጀግንነት ዲብ ከበሰ ወሳሕል ወድዩ ለዐለ ወራታት አፍዘየት ቲ።

እለን ምን ናር ለጌሰየ ዲብ ክሉ ዲብ ዕያደት ገብእ ለዐለ ወራታት ዲብ ሻርኩ። ልባሰ መጀርሐን ዲብ ለሐጽቡ። ለበለየ እቲ ወሰቲ አግርበት ዲብ ለአነድፈ። እት መጦርም እንዴ ገብአየ ዲብ ራዕያህም ዶል ትርእየን ፈድል



አድራሻት ዓንደም 2026

ፈዛዐተን ክምቱ ሸክ ኢትወዴ። እሊ ህይ ፍሬ ፋሪ ናይሊ ጀግንነት ወድወ ለዐለው ተውዕያት ቲ። ለሰቦ አንሰ ናር ሸቅለን እንዴ አትመመየ ለአቀብለ ዲብ ህለየ። ዲብ አካንን ብዕዳት ጌሰየ። አንሰ ናር እሊ ወድዩ እት ህለየ እግል መደት ሳምን ቤተን እንዴ ደብአየ ወአጀኒተን እንዴ ሐድገየ አውለውየት እግል ዲብ ሐርብ ልደመየ ለዐለው ምሕርበት

እብሊ ሰብ እሊ ለሸዐብ ሰሩ አሰክ ሱዳን ወሰሩም አሰክ ድን ሰውረት አንሰሐብ። መዐስከር ምፍግር ገሊል ህይ ምን ዲብ ምግብ ሰብዓታት እሰሰ እት ለዐለ አካን አንሰሐብ።

የም ዓመት ዲብ ጋዜብ ጀግንነት ሳሕል እንሰር ዲብ ናር እብ ዓመት ወዲብላ አሰልፍ ለአቲኪ እቲ መዐስከር ምፍግር ገሊል ወሸበትኪ ለሓላፍኪ እቲ ትመጽኢ ዲብ ህሌኪ ሚ ትሰመዴኪ?

ምን ሐዲሰ ለትወለድኮ መሰለ እቲ። ሕምት ዲብ አናቲ ማእከት ለህሌት። እሊ ህይ ፍንቱይ ዝክርያት ከልቅ እቲ። እት ወክድ ለህይ እት ደብር ወጋድም ዲብ ትትገናቤ። ዶል ዲብ ፈግር ወዶል ዲብ ትትክሬ። ዘበን ሸበትክ ለሓላፍክ እቲ ምድር ሐቀ ሰኒን ትዛየር ዲብ ህሌክ ክልኤ ዶል ለትወለድክ እንዴ ገብእ ልሰመዐክ። እግልሚ እት ወክድ ለህይ ዝኖር እንዴ ተዐንደቀክ



አድራሻት ዓንደም 1978

ገብአው ሸዐብ ለአፈዘየ ወነዘሞ ለዐለው ጀግንነት ሳሕል ቲ። እግልሚ ሸዐብ እሊ ባካት ለናይ ማሌ ምርወቶም ወፍቲሆም ማሌ እግል ሰውረቶም ወየም እግል ሕክመቶም ዲብ አካን ህሌት። እሊ ከደን ለዐለ ባካት የም ክእነ መዳርሰ። ዕያዳት መራክዝ ማይ እንዴ ገብእ እቲ ወዘያደት ክሉ ህይ መዳንት ቃምጩ ወ ክእነ እንዴ ዐቤት ወተዐመረት እርኤ ዲብ ህሌት እሊም ፍሬ ናይሊ

ከርከለክ ቤለ። እብ መጽዐኑ። ንዋዩ ወእብ አርወሐቲ ናደሊ። ሕናመ እትሊ ሸዐብ እሊ እንዴ ተንክብኩ። ተበረዓት እት እምብል ዲብላትፈናተ አካናት ዲብ እንገይሰ እግል መጀርሐን ለትገብእ ጠሊት ዲብ ንትማጤ ምናም። እንሰ ሐዜነ ምንገብእ አዳሞም ወእንሳሆም ተርቲብ እንዴ ወዴን እብ ሸክል ኬወ አሰክ ድፈዕ ዲብ እንሳሬሕ። እማት ናይ እሊ ባካት ምሳል ሰውረተን እንዴ ሰምደየ። እብ ፈርህት ወርዕብ እንዴ ኢለአገርሱ። ላሊ ምሳል ሰውረተን ምሳል ሰለለ ወጀግንነት ዲብ ሸቅየ ወአደሐ ዲብ ቀበት መዐስከራት አባይ እንዴ ጌሰየ ክለ ሓለት ጂሸ አባይ ዲብ ታይነ ወሐብሬ አሰክ ሰውረት ዲብ ለሓልፈ ለዐለ ንዳል አዋልድ አንሳት እብ ቀሎ ቀሎ ለልትረኤ ይዐለ።

ሰበት እሊ። እሊ ሸዐብ እሊ ፈዳብ ሸዐብቲ። አምነ እብክ ምንገብእ ህይ ምን ክሉ ምን ለልጠብ ግረ ኢልብል። ሰብአም። አንሶም። አጀኒቶም ክሉም ዕጹማም ወዋቅያም ቶም። ለንዳል ህይ ታቲ ዲብ ልቡሉ እትላ ደረጀት እሊ አብእሐው። ክመ ዲመ እምብላ ህይ ወራታት ጀግንነት አፍዘየት። ነዘሞት ወዐንደቀት ዐለ። እብ ክእነ ዲብ ሚሊሻ ለዐለው ሸዐብ ምን ምናድሊን ወለዐል ዕንዱቃም ዐለው። ዶል ሐርብ ግረ ኢልብሎ ወዶል ሰላምም ምሳል ሰውረቶም ወሸዕም እንዴ ገብአው እብ ስም ሐለት ከድሞ። እሊ አካን እሊ ህይ ዲብ መደት ለህ ምግባይት አካን ሰበት ዐለት ምን ስሕል ለመጽእ ልግበእ ወምን ከበሰ መዕረፊት ዐለት።

እሊ ናይ የም ዓመት ሐውልየት ጀግንነት ዲብ ናር ምፍግር ገሊል እግል ትግበእቲ ከም ቤለውኪ ሚ ትሰመዴኪ አው እብ ሚ ሸዐርኪ?

እብ ፈርሐት ሸዐርኩ። ሰኒ ፈርሐት። ሕምት ዐልኩ። ኣዜመ ምንገብእ ሕያይት ይህሌት። ወለቼ ማማ ክእነ ዲብ እንቲ ክሉ ረኢሱ ኢትገይሱ ቴለተኒ። ኣነ ላኪን ክሉ ረኢሱ አሰክ አርድ ታሪክ ወአርድ ምሕርበት እገይሰ ህሌት። ዲብ ምን እመይት ልትፈደል እብዬ ኢትሻቀሊ። እቤለ። ሰበት መጽአኮ ህይ ክሉ መክተብክ ዲብ ምፍግር ገሊል ረኢኩ። መውዐሊን ረኢኩ። አካንት እጅትመዕ መጽልሰነ ትዛየርኩ። ዐዳይነ ጸኔነ ወእሉ ሰዐምነ። ታሪካይት ዴል ሐሊበት በጽሐነ ወምን ማየ ሰቴኩ ሕሊል ሞገዕ ተዐዳኔ። ሰበት እሊ ብዙሕ ዝክርያት ሰበት በይኤኒ። ፋርሐት ወልውቅት ዲብ ኣነ ውዕለት ህሌት።



አንፋር ጀግንነት ሳሕል ዲብ ኩልየት ሐርሰ ሐመልማሎ

ለህይበ ዐለየ። ለውራት ህይ እብ ክእነ ትተላሌ ዐለት። ለአንሰ እብ ደውራት ዲብ መጽኢ መጀርሐን ዲብ ራዕየ ሐርብ እምዐሚዴ መጽ። ለወክድ ሐርብ እምዐሚዴ ሰኒ ትሩድ ዐለ። ቀናብል ምን እንዴ ሐልፈ እንሰር ለዘብጥ እቲ ወክድ ዐለ። ቴለል ህይ ትብደለ። ለልትሐረር ዐለ መዳይን ህይ ምን ሐዲሰ ጂሸ አባይ እት ጸብጡ ጌሰ።

ወክላሽን እት መርከብክ እንዴ ሰቀልክ ትገንድል ዲብ ህሌክ ወየም ክእነ ምርኩሽ እንዴ ጸበጥክ ዲብ ተሐናክሽ ዲብ ገይሰ ልትፈሌ ትብል ወንእሸናክ እግል ትዘከር ጠቢዒቲ። ወአናመ እሊ በክት እሊ አሰናይ ይሐልፈኒ ወእሊ እንዴ ይእርኤ ኢሙትኮ እብል። ብዕድ እሊ ፍረ ካድም ናይሊ ማሌ ዲብ እሊ ምድር እሊ እንዴ

ማሌ እግል አርዶም ወሸዕም ዲብ ልብሎ ለአሰተሸሀደው ምሕርበት ቲ። ሸዐብ ናር ክእነ ከም ረኤኩምም እሊ ፍሬህ ማሌ እት ቀቡቶም እንዴ ገኣነ ገቢል ልፍዘዕ። ልትዝም ወልትዐንደቅ ዲብ እንብል እናድሉ ለዐልነ ሰኒን ፈቀድኩ። እብሊ ህይ ፋርሐት ወብሰጥት ኣነ አሰናይ ፍሬህ ማሌ ለናደልክወ ንዳል ረኢኮ እብል።

ምን ዲብ ንዳል ለትዘኤፋ ወእብ ፍንቱይ እት መደት እንሰሓብ እሰት-ራተጂ ሚ ህለ?

ኣነ ክመ ዲብ መደት ንዳል ወእብ ፍንቱይ ዲብ ወክድ እንሰሓብ እሰት-ራተጂ ለእዘከር። ወእብ ሸዐብ ናር ገብእ ለዐለ ወቀይ ሐድ ኢትን። ሸዐብ እሊ ባካት መጀርሐን እግል ልራዕ። ዐፍሽ እግል አግዐዙት እንሰ ዲብ ለአመጸኩ። ላሊ ወአምዕል እሊ ሸዐብ እሊ እምብል ሐላሌ



እት ጅግረ ማገጃ/ ለክዐወተው(ቃምጩታ)



ምህሮ ወወቦች ህግዩ

ዶ/ር ሳልክ መስሙድ



ዶ/ር ምህሮ ረውዳት-አገልግሎት-ዲብሊ መጽሕፍ መረጃ ምህሮ

ምህሮ ረውዳት እግል እት ዕምር 4-5 ለህላው አጀንት ለልትሆብ ምህሮ ቱ። ዲብ ሰሩ ድወል ምን ውላድ 4 ሰነት ወተሐትሙ ልትሆብ። አሰክ እሊ ቅሩብ እዋን ምህሮ ረውዳት ዲብ ዐድን ዲብ መዳይን ሕጻም ሰብ በክት ሌጠ ረከቡ ለዐለው ምህሮ ቱ። እት ሐት-ሐቱ መዳርሰ ህዩ ቀደም አወላይ ፈሰል 'አዘሊ' ልትትብሀል ሰነት እት ልትሆብ ዐለ። እት ለሰነት እሊ ላኪን እት ኩሉ መዳይን ወብሩር ዐድን እግል ኩሉ አጀንት እግል ልትሆብ ሕኩሙት ፊራሮ ሐዳሰ እት-ብግስት ህሉት።

እተለን ሰኔታት ንእሽ እለን አጀንት ሐንገሎም እት ለሸፍንት ደረጃት ዐቦት ሰበት ልትረከብ ትሩድ አሳሰ

አምር ለአትጠውር። እትሊ ዕምር እሊ ለውቱድ እበኑት አሳሰ ዕልም ዲመ ኢትትረሰዕ። ኩሉ ግረ እሊ ለረከቡ ዕልም እት ረአሰ እሊ እበኑት እሊ ልትብኔ ወፊዬሕ። እትሊ ዕምር ለገመት ምኖም ምቀራቅመ ዲመ ኢትትደበእ። እት አሳሰ ትሩድ ለአትብነ ዕልም ህዩ ታምም ኢገብእ። ቤት እት አሳሰ ሐዋን ሐቆ በኔካህ። ምን ገጽ-ሐር እብ ሐዲድ ወአሰመንቲ ምንመ ትብንዩ ምን ውድቀት ኢልአድሕን። ምህሮም ክምሰልሁ ቱ። ምን ገጽ-ሐር እሊ ወዴክ ምን ትውዴ። አካን ምህሮ ረውዳት ኢትደብእ።

ምህሮ ረውዳት እብ ትልሆ ወሐልዮት ሰበት ልትሆብ። መንፈዐት

ለአሰቡ ለመሰሎም እግል ለህሉ ቀድሮ። ምናተ እትሊ ዕምር እሊ አጀንት እብ ገበይ ትልሆ ወሕላይ ሌጠ ቶም እግል ልትመሆር ለቀድሮ። እሊ ህዩ ዲብ ክሎም አጀንት ለልትረከብ ናይ ክልቀት ህዩብ ቱ። ምን ምህሮ በረ ለህሊ ቅድራትም እብ ገበይ ትልሆ ቶም ለልትመሆር። አዋልድ እማተን ለወድያሁ አሸቃል አዳለዮት ነብረ። ራዐዮት አጀንት ሰልፍ እብ ትልሆ ልትላመዳሁ ወሐር ክም ዐቦዩ እብ አማን ወድያሁ። ውላድመ አሸቃል አበዎም እት ክምሰልሁ። አዘ ህዩ ዘመናይ ምህሮ እብ ገበይ ትልሆ ወሕላይ አሳሰ ትሩድ በኩ እግሉ ወሐቆሁ አሰክ ጃምዐት እብ ፍዕል ወክዘር ደሩሰ። መብዘሐም



እት ጃምዐት ለሐልፎ ለህላው ደረሰ ኤርትራዊ ለበክት ድራሰት ረውዳት ለረክበው ሌጠ ክምሰልቶም እመር ህሉ። ከእብሊ እሊ አዘ እግል ኩሎም

አጀንት ኤርትራዊ ህይብት ለህሉት በክት ምህሮ ረውዳት እግል ኢትሕልፊን እት ዕምር 4-5 ለህላው ውላድን ምር እንዴ ኢንሐድግ እት አብያት ምህሮ ረውዳት ንንድአም።

ወቦች-ህግዩ

እት ለሐልፊ ዓሙድ ዐቦት ህግዩ ቀደም 3000 ሰነት ለምተት ህግዩ ዕብርኖት ዲብ ሰነት 1948 ዱለት እሰራኤል ክም ተአሰሰት ህግዩ ወጠንዮት ሰበት አትሐዜቶም። እብ ከፎ ምን ሞት እንዴ ላዮው ዘመናይት ህግዩ ክም ወደወ ርእያም ዐልነ። እሊ ተጅርበት እሊ እት ተአሪክ ኤተኖት ዐቦት ህግዩ ልትዳደለ ለአሰበ ቱ። እምበላህ ለምተት ህግዩ ምን ሐዲሰ ለሓይት ዱለት ትግበእ ወገቤል አለቡ።



ልትነፍዖ እብ ዐለው። አሰክ 60ታት ናይሊ ሐልፊ ክፈል-ዘመን ክም ህግዩ እሙ ለልትነፈዕ እብ ወናዬ ተ ለልብሊ ሸዐብ ደዐለ እግሉ።

ክም ከረ ታንዳንዮ ወኪንዮ ለመሰለ ድወል ምፍጋር ጸሓይ አፍሪቅዮ እት 60ታት ምን እሰትዕምር አርብ ሕርዮተን ክም ረክበዮ። ክም ተአምራት ናይሊ ሕሩራት ድወል እንዴ ገብአት ለትክምክመን ህግዩ ወጠንዮት አትሐዜተን። ክም ከረ ጃልዮስ ኔሬሬ ለመሰሎ እት መደት ለህ ለዐለው ማርሐት ድወል። ሐቱ ምን ብዘሓት ሀገሊ ባንቱ ህግዩ ወጠንዮት እግል ትግበእ እግል ልሕረው ኢሐዘው። ሰበቡ ህዩ ኩሉ ለሸዐብ ለልፍህመ ህግዩ ሐቱ ህግዩ ባንቱ ደዐለት። እት ረአሰ-መ እሊ ህግዩ ቀቢለት ፍላን ተ እንዴ ትብህለት ለቀባይል ለብዕድ እግል ልእቦዩ ቀድሮ። ህግዩ ሰዋሕሊ ላኪን ናዩተ ለልብሊ ገባይል ሰበት አለቡ። ምን እሊ ሐሳሰያት እሊ ሕር ዐለት። እት ረአሰ-መ ህዩ ልውሐድ ወልብዘሕ ኩሉ ለገባይል ድወል ገሌታይ ለአምር ምን ዐለ። ከእብሊ እት ታንዳንዮ ወኪንዮ ክም ተአምራት ወጠንዮቶም ወሕርዮቶም ለትትርኤ ህግዩ ወጠንዮት እግል ትግበእ ሐረው።

ምናተ ሰዋሕሊ ምን መትባዳል ተጃረት ወኪን እት ኩሉ መጃላት መንበር ዘመናይት እግል ትክደም እቡ ለትቀድር ከሊማት ወሳብት ሰዋሕው ደዐለ እግሉ። ክም ህግዩ ሻሬዕ ሌጠ ሰበት ትትነሳእ ዐለትመ እት መጃላት ረሰሚ እግል ልትሸቄ እብ ወሕሸማም እግል ልትሃገው እባመ ከብቱ ራክበት ደዐለት። እሊ

ዔበት እሊ እግል ትትዐዴ ርአሰ ታንዳንዮ ለዐለ ፍቱይ ወሕሰም ጃልዮስ ኔሬሬ። እት ክል መናሰበት ረሰምዮት ወእት ቀደም ሓይላም ወዳርላም እብ እማመት እት ልትሃገ እብ አንበተ። ወእብሊ ኩሉ ከጅል እብ ለዐለ አዳም ትከብተዮ ወፊተዮ።

ለናይ ሰዋሕው ወክሊማት ሕግላን እግል ልርሄ ህዩ እት ኩሉ መጃላት ከሊማት ለረክብ ልጃን ተአሰሰ። ናይ አትመቃርሐት። ናይ ሰደሰት። ናይ ሰናዐት ወቱክፍሎጃ። ናይ ሐርሰ። ናይ ዲብሎማሰዮት ወእሉ መሰል ልጃን ሸቅሉ አምቡተ። ሐዲሰ ከሊማት ለልትወጀድ እቡ በሰር ህዩ አፍገረው። ለበዜሕ ከሊማት ምን ህግዩ ዐረቢ እንዴ ትሰለፈው ሸክል ሰዋሕው ሀገሊት ባንቱ እግል ልሆቡ ትፋህመው። ለተርፈ ምን ህግዩ እንግሊዝ ወሀገሊት ባንቱ ነሰአው። እግል መሰል 'ሰፈር' ለትብል ከሊማት ዐረቢ እንዴ ነሰአው። ሸክል ናይ ባንቱ ክም ሀበወ 'ሳፋሪ' ገብአት። ሰበቡ ህዩ ሀገሊት ባንቱ እብ consonant ሰበት ኢለአክልሰ እት ምግብ ወእት ደንጎበ ሻውላት አተው እተ። እብሊ ገበይ እሊ ህግዩ ሰዋሕሊ ለዐለ እግል መሐገዝ ከሊማት ወሰዋሕው ሳብት ረሀ።

ህግዩ ሰዋሕሊ ዮም እት ኩሉ መጃላት መንበር ለልትክደም እብ ለትጠውረት ህግዩ አፍሪቅዮ ገብአት። እት ኩለን ጃሚዳት ዓለም ለትትደረሰ ህግዩ አፍሪቅዮ ዐባይ ቱ። እት መንዘመት እትሓድ አፍሪቅዮ ህዩ ህግዩ ረሰምዮት ቱ።


ከረ ጃልዮስ ኔሬሬ ሰዋሕሊ ክም ህግዩ ሐዳሰ እግል ልክለቆ እተ ጀርቦ እቱ ለዐለው ሐን 60ታት። ትግራይት ምን ትትከተብ ሐድ ምእት ሰነት ዋድዮት ዐለት። ምናተ አሰክ አዘ እብ ሕዳን ከሊማት ትትጃረሰ ህሉት። ሰበቡ ህዩ ገዙም ወርቱዕ ዐገል ወሰኑት ከሊማት ሰበት ኢትነፈዐት ቱ። አፎ ንዝምት ሰደሰት ምሂዝ ወሰሉፍ ከሊማት እንዴ ትነፈዐት ሕዳን ከሊማት ኢንአርሄ?

ቱጃምሮ ገብእ?

1. ሰነት 1954 ቤት ምህሮ ቱክኒክ አሰመረ እብ ሰዳይት ናይ አሜሪካ መአሰሰት ፖይንት ፎር እት አሰመረ ተአሰሰት።
2. ሰነት 1955 መድረሰት ነርስ አሰመረ እብ ሰዳይት ናይ አሜሪካ መአሰሰት ፖይንት ፎር ተአሰሰት። ምን ትትአሰሰ አዋልድ አንሳት ሌጠ ትትከበት ለዐለት መድረሰ ነርስ አሰመረ እት ሰነት 1959 ውላድ-ተብዕንመ ትከበተት።
3. ጃምዐት አሰመረ ዲብ ሰነት 1958 Instituto Santa Famiglia/Holy University Institute እብሊ ትብል ሰሚት እብ ናይ ዋልያን ሚሰዮናት ተአሰሰት። ሕኩሙት ፊዴሬሽን ኤርትራዊ ህዩ ዮም 30/03/1959 ክም ጃምዐት ትከበተት። ሰነት 1960 ህዩ ቤት-ጎማት ጃሚዳት ዋልያን ትከበተት። ሰነት 1962 ሰሚት ዲብ ጃምዐት አሰመረ ትብደለት ወእት ረአሰ እብ ህግዩ ዋልያን እብ ህግዩ እንግሊዝ እግል ተአድርሰ አምቡተት። ሰነት 1967 ህዩ ሕኩሙት አቶብዩ ትከበተት።
4. ሰነት 1960 ሕኩሙት አቶብዩ ለዲብ ኤርትራዊ ምህሮ ልትሆብ እበን ለዐለ ሀገሊ ዐረቢ ወትግርኛ እንዴ መንዐት። ምህሮ ወአሸቃል ሕኩሙት እብ ህግዩ አምሓርኛ ሌጠ እግል ልትሆብ ሕክም ዝልም አሰደረት።


ዔማት። እሊ እት "ተአምሮ ገብእ" ለህሉት ሐብሬ ምን እብ ፕሮፌሰር ታደሰ መሓሪ እት ሰነት 2024 ለትከተብ "ዘመናዊ ትምህርቲ ኣብ ኤርትራ (1840-2020)" ለልብል ክታብ ለትረከበት ቱ።

ሰም	ታኪ
1. መሪር	1. ሰመ
3. ትልም/ሰታት	2. አካን ሰኔ ወቅል
6. እብ ቅሩተ ለትገይሰ ሐዋን	3. ምርወት
7. ጃንሰ ፍሬ ጥዑም	4. ዶል ሐርብ ወረርሐት ትትዘመዋ ለዐለት ከበር
8. ማይ ሰኔ ዘረ	5. ቀደም ዮም ለዐለት አምዕል
9. ሐቱ ምን ቀምያት ኤርትራዊ	8. እሳት ዶል ትቀሰን ለፊግር ምን ግዝ
11. ምር ምን ክፋት ሰመዕ ገርብ	10. ለንትነፈዕ እብ ሓጀት
13. እንፍሐ ሐ (አሐ)	12. ገበይ ሐሚር
15. ለዐቡት ሰፊረት	14. ለነሐርሰ እቡ ሐዋን
17. አርወሐት	16. እግል ትፈደዮ ለብዘ ማል
18. ሻሂ ለነሐረሕ እቱ ግራብ	18. ክል-ዶል ለበዴ
19. እግል ትትደፍዑ/ትደፍዑ ለብዘ ማል	20. ምን ገርብ ለፊግር ፊሻይ
20. ሰፊይ	
21. ፍጋር	
22. ግድል ሰላክ ኤርትራዊ ለአምቡተ ነፈር	



ገሌ ምን ተጽእኖ አሰጥቶ ሽክርቤት ወብደልቃድር ከቤሬ

ሰልፍ ናይብ መሕበር ፍቲ ዐድ ለዐለ ወሐራ ምርት ምን ውቁላም መሰሉሊን አልራቢጠ አልአሳምዮ ለገብአ ሽክርቤት ወብደልቃድር ከቤሬ፣ ሰነት 1902 ዲብ ደሴ ለትትባህል ጀዘረት ትወለድ። ሰርም ገሌ አንፋር ዲብ ተምባጅ ለትትባህል አካን ክምሰል ትወለዳመ ልትደገም። ዲብ ዕምር ንእሹ ቅርጽን ሰበት ቀርጸ እግል ልፍተሕ ቀድረ። ዐዳ ዲብ ባጽዕ እግል ልሰከኖ ክምሰል አንበተው ህዩ ዲብ መድረሰት ፈርዲናድ ማርቲኒ ባጽዕ እግል መደት አርበዕ ሰነት ደርሰ። እንዲ አትሰ ምን ምሰር ቃኑን እንዲ ሐፍዝ ክምሰል አቅበለ። ዲብ ባጽዕ ወአሰመረ ክምሰል ከታብ፣ ምን ሰነት 1930 አሰክ 1934 ዲብ ሕዳደ - የመን



ክምሰል ትርጅማን እንዲ ገብአ እግል ሕኩመት ሞልዮን ከድመ። እተ መደት ለህ እት ፍንጌ የመን ወሰድዮ አክይ መቅርሕ ክሉቅ

ሰበት ዐለ፣ ምርት ምን እግል ክልኢተን ለዐድ ተአትግራ ለዐለት ለጅነት እንዲ ገብአ ከድመ። ሐቆ እሊ ዲብ የም ሐምሰ ወሬሕ ሐምሰ 1941 ዲብ ገብአ ወእግል መሕበር ፍቲ ዐድ ለአሰሰ እጅትመዕ ሻረከ። ዲብ እሊ መሕበር እሊ ህዩ እብ ክሉ ቀልቡ ከድመ። ሐቆ እሊ ህዩ ምርት ምን መአሰሰን አልራቢጠ አልአሳምዮ እንዲ ገብአ አሰክ አምዕል እሰትሽጎዳ እብ መትሰባል ከድመ። እብ ዓመት ዲብ እጅትምዓት መጅልሰ ቅራን ወብዕድ መናሰባት እንዲ ሻርክ ወገቢል እንዲ ነዘም እቢ እሰትዕማር ዲብ ገቢል እግል ልሰበቅ ለትጸገመ፣ እብ ሐብን ለልትዘከር አብ ቱ።

ተክኖሎጂ መናፍቅ ወመደረቱ

ዲብ ሐልፈ በርናምጅ ተርብዩት “መትፈታት ተክኖሎጂ ውላድን እግል ኢለአትሐድገን” ለልብል ክቱብ ቅዱማም እግልኩም ዐልነ። አከመ ክም መተላለዩሁ እሊ ለተሌ ክቱብ እንቀድም እኩም። አቤ ተክኖሎጂ ዲብ ወራታት ዐማር ክምሰል ከረ ተጃረት፣ እዳረት፣ ፈን፣ ዐስከርየት፣ ወብዕድ መጃላት ለከሰሰ ለልትነፈዕ እቡ አላት አው መትሻቀዩ ቱ። ተክኖሎጂ ዶል እንብል ምሰል ሐብሬ ተክኖሎጂ ለልትጸበጥ ጋራት ክምሰል ከረ ጀዋላት (ሞባይል)፣ ኢንተርኔት፣ ኮምፕዩተር፣ ወእግሉ ለመሰል



ምን እሊ ሐቃይቅ እሊ እንዲ ትብገሰነ ሕነ ሸባባት ተክኖሎጂ እግል ንቅደሩ፣ እግል ነአትሓይሱ ወእብ እንክርን ምህዞ እግል ንወሰክ ዲብ ለአሰትህል። እትሊ

ህዩ ምን አዳም እበን እንዲ ጸርበ እት ወራት ለወዐለ እቱ ወቅት ወሐር ክምሰል ከረ መሐረሽተ፣ ሱተል፣ ኮናት ወብዕድ እት ልብል ዲብ ምህዞ ናይ ሐጺን ለተዐደ፣ እትሊ ዘበናይ ወቅትም ምን ገብእ፣ መካኒካይ፣ ኤለክትሪካይ፣ አለትሮኒክያይ እት ልብል ዲብ ደረጃት ዲጂታል ባጺሕ ለሀሊ ዲብ ወቅት ክሎም ለትመሀዘው ወእት ዐመል ለበጽሐው ፈርዶት ተጠውር እት ሐንቴ ተክኖሎጂ ልትከምከም። ወድ አዳም የመቱ ክምሰል ምራዱ ወራታቱ አክልሕድ እብ ሞጅብ ወሸፋግ እግል ልሰርግል ቃድር ለሀሊ እብ ፈድል ናይ ተክኖሎጂ ቱ።



ጋራት እቱ ሌጠ እንዲ ኢበጥር፣ እግል ክሉ መሻክል መጅተመዕ ለባሌሕ ወተጠውር ለፊትት ምህነት ቱ። እግልናመ ክምሰል ሸዐብ ወደውለት፣ ምን ለዐል ክሉ ምን ሀለዮት ርዘቅ ጠቢዐት ወመቅደረት ወኬን፣ መዋጥኒን እብ ሰለል ተጠውር ጀላብ እግል ልሄር፣ ሸባባት ወተክኖሎጂ ሰኒ ወአማን ምህም ጋራት ቶም። እትሊ ለህሌነ እቱ ወቅት አምር ወመቅደረት መዋጥኒን መጦር ርዘቅ ወረከሰ ማል ምህም ጋር ናይ እቅትሳድ ጋብእ ሀለ።

ጋር እሊ እግል ንንጅሕ ላኪን፣ እብ ትሉሉይ እግል ንድረሰ ወተአሂል እግል ንንሰእ ወጅብ። ዲብ ዐለምን ክሉቅ ለሀሊ ሐብሬ ተክኖሎጂ እብ ሞጅብ እግል ነአምሩ ወእት ዐመል እግል ንትነፈዕ እቡ ወቀይ ትሩድ ለአትሐዜነ። እብ ቀላል ህግዩ፣ ተክኖሎጂ በህለት እት ዐመል ለወዐለ አው ለተርጀመ ዕሉም በህለት ቱ። ዕሉም ህዩ መሻክል አዳም ለባሌሕ ሰበት ቱ፣ ዶሩ ሰኒ ወአማን ዐቢቱ። እሊ

ህዩ ምን አዳም እበን እንዲ ጸርበ እት ወራት ለወዐለ እቱ ወቅት ወሐር ክምሰል ከረ መሐረሽተ፣ ሱተል፣ ኮናት ወብዕድ እት ልብል ዲብ ምህዞ ናይ ሐጺን ለተዐደ፣ እትሊ ዘበናይ ወቅትም ምን ገብእ፣ መካኒካይ፣ ኤለክትሪካይ፣ አለትሮኒክያይ እት ልብል ዲብ ደረጃት ዲጂታል ባጺሕ ለሀሊ ዲብ ወቅት ክሎም ለትመሀዘው ወእት ዐመል ለበጽሐው ፈርዶት ተጠውር እት ሐንቴ ተክኖሎጂ ልትከምከም። ወድ አዳም የመቱ ክምሰል ምራዱ ወራታቱ አክልሕድ እብ ሞጅብ ወሸፋግ እግል ልሰርግል ቃድር ለሀሊ እብ ፈድል ናይ ተክኖሎጂ ቱ። ተክኖሎጂ ወድ አዳም ምራዱ ወወሸሙ እግል ለአትምም ወመንበረት ሐዶቱ እግል ለአሰኔ ለመሀዘዩ ምህዞ ቱ። መካት፣ ልባሰ፣ መጽሀይ፣ ዓፍዮት፣ ፋግጥት ወብዕዳም ምህም ጋራት ለዘት እብ ለህይብ ወደማነት እብ ቡ አግቡይ እግል ልቅረቦ አሰክ እሊ ወቀይ ትሩድ ገብእ ሀለ። እሊ ሀደፍ እሊ እግል ሰርገሎት፣ አላት ብዘሕ፣ ማሸና፣ ዐፍሽ፣ አምር ወመቅደረት እንዲ መሀዘ ወአጠውረ ርዘቅ ጠቢዐት እግል ልምለኩ ልትጋደል ሀለ። ምናተ፣ ተክኖሎጂና ናይ ፍሱ አግቡይ ዐረብረብ ሰበት ቡ፣ ዕሉለገቱ እግል ኢትንሰኢነ እንዲ ትደገግን እግል ንትነፈዕ እቡ ወጅብ።

ምን ርዓን ተጽእኖ ቀዳምያም

እብ ወግም ባካት ሰነት 1937/38 ገብእ ሕኩመት ሞልዮን፣ እግል ክሎም ዲብ ኤረትርዮ ለዐለው ሸየም ትግራ ዲብ ከረን ትላክምም። ለሸየም ክምሰል መጽአው ልትከብቶም ኢረከበው። ሞልዮን እንዲ ትላክምም ክምሰል መጽአው እግል ለህዩም ተርከው እግሎም። ለሸየም ህዩ እግል ኢልትሰኢሎም ፈርሀው ወእግል ኢልትገሰው ህዩ አከይ-ግብእ ጸብጠቶም። ዲብ ከደን እንዲ ልትጸበር ወዐለው። ከንቲባይ ዑቕብሚካኤል ወድ ከንቲባይ ተሰፈንኪኤል ሹም መንሰዕ ቤት አብርሂ እንዲ ትደንገረ መጽአ። እግል ጸሩ ምን ትሰኢሎ። አሰክ እሊ ከበርም ክምሰል ኢወደው ወእግል ኢልትሰኢሎ ህዩ መቅሬሕ ክምሰል በደ ምናም አሰከለው። ህቱ ምን አካት ብርግግ እንዲ ወደ ዲብ ሞልዮን ለዐለው ዲብ መክተብ ፈግረ። እንዲ መጽአዮም፣ “እነ ከንቲባይ ዑቕብሚካኤል ሹም መንሰዕ ቤት-አብርሂ አነ። ሚ ትወዱን ህሌኩም፣ አፎ ክእነ ለከፍኩ፣ ሕነ ወእንቲም ሐቱ ሕነ ማሚ፣ እንቲም ጸዓዲ ወሕነ ጸላይም፣ እምበል ፈርግ ናይሉ ቀርቡት ረቢ ሐቱ ከልቁነ። ምኒ ለትትፈደሉ እብ አለብኩም። ሕናመ ዲብ ዐደን ፍዱላም ወሕሹማም ሕነ። አከ ቀረድ ምን ብኩም ትከብቱን ወቀረድ ምን አለብኩም ባርሐኑ” ቤለዮም ዳርግ እት እንቲ።

ለሞልዮን ህግዩ ከንቲባይ ሰበት መረት ዲባም እግል ሸየም እንዲ ትላክምም ቀረደም አሰከለምም። ክሎም ለሰነት ህዩ እግል ሐጠር ከንቲባይ ሐመደው። ከንቲባይ እሊ ወለመሰሉ ወዴ ክምሰል ዐለ ወእብ ፈራሰቱ አዳም ፈትዩ ክምሰል ነብረ ልትደገም።

ከንቲባይ እት መደት ሕክም እንግሊዝ ክምሰል ሞተ፣ መሕመድ ወድ-መሰለም ለልትባህል ሐልዶይ ምን መንሰዕ ለውዲት ከንቲባይ ዑቕብሚካኤል ዲብ ከረን እንዲ ፈቀደ ክእነ ሸንበረዩ።

አዩ ጌሰ ከንቲባይ?

- አዩ ጌሰ ከንቲባይ እሊ ሞዳይ ማሕበረ
- ዮም ለዐስተር ደንገጸት ወርሐ ገብአ ክም ደዐለ
- ዮም ለጀልበት ደንገረት እት ትደነክ ምን በሐረ
- ደበት መሓዛት ቱ ኢልደበል ትደበለ
- ብዞሕ አልባቡቱ እምበል ገፍተር ዓቀረ
- ሓጥር አማናት ቱ ምህለት ከልእ ወተረ
- ወድ ከንቲባይ ተሰፋንኪኤል ህቱ ቱ በዐል ዋረ
- ወድ ከንቲባይ በኪት ቱ ፈግረት እሊ እምባረ
- ሺመትክ ምን ሮመ ተ ምን ድጌል ኢጣልዮ
- ሺመትክ ምን እንግሊዝተ ምን ድጌል ለንደነ
- ሺመትክ ምን ሰብ እሊ ቅሬን ቱ ዲብ ሕድ እንዲ ትከመረ
- ሓጥር ሐቆክ ኢመጽእ ወቀደሚክ ኢዐለ
- ሮረ መቀዳም እንተ ከንቲባይ፣ አካል ክምሰል ትከዘክ

እሊ እግል ከንቲባይ ዑቕብሚካኤል ለትባህለት ሸንበር፣ ወቀዩ ሚ ክምሰል ዐለ፣ መን ክምሰል ሸየመዩ፣ ክትር ፍድቡ ወኤማኑ ህዩ፣ ሰመ ወምድር ክምሰል ሐዘክ እቡ ትሸፈሕ። እብ ዓመት ህዩ እግል ታርሬ ሐዲሰ ተአሪክ ተአደርሰ። ሰበት እሊ ሕላይ ሰብ በዲር እግል ንትአየሰ እቱ ወእግል ንሕፈዙ ወጅብ።

መዕሉማቱ እብ ከሰፊር ገርብ አዳም

- ክከም ጨቢብ ላቱ አንፋር ዶል ሰክቦ ለሐንገር፣ እሊ ህዩ አክሰጅን ሰበት ልውሕድ ዲባም ክምሰልቱ እሙር ህለ።
- 10% ምን ገቢል ዐለም ሸንገባይ ክምሰል ቱ ህዩ ነአምር ገብእ?
- 50% ምን ዲብ አፋን ለልትረከብ ባክቴርዮ ዲብ መቅጠን ንሳልነ ነብር። ሰበት እሊ ንሳልነ ክልዶል እግል ልንደፍ ህለ እግሎ።
- ሰጥዶትን እብ ሰብብ አተንፈሶት እት ሰነት ሐድ 5 መልዩን ዶል ልትሐረክ።
- ሐገን ደምቀትን 2% ምን ሚዛን ገርብነ ጸብጥ። እሊ ህዩ፣ ዕርዱ 140 ሚሊምትር፣ ሪሙ 167 ሚሊ ምትር፣ መትወቃሉ 93 ሚሊምትር ቱ።
- ሕማም ሰከራ ዲብ አሚርክ እብ ለሰብ ሞት ዲብ ራብዐይት ደረጃት ልትዩመም። እሊ ህዩ ዲብ ሰነት 180, 000 ነፈር ቀትል በህለት ቱ።
- እዘን አዳም እት ክል ሰነት 0.01 ኢንች ክምሰል ትወሰክ ነአምር ገብእ?
- ነብረ ክምሰል ትበልዐት እግል ትሕቀቅ ሐድ ሰለሰ ሳዐት ትነሰእ
- እት አሚርክ እት ክል 11 ደቂቀት ሐቱ እሊት እብ ሰብ ሰረግን ጥብ ትመይት
- ዲብ እደይነ 54 ዐጭም ክምሰል ህለ ፈሀም ብነ ገብእ?
- ክሎም አጅኒት ዶል ልትወለዶ ሕብር ናይ ፈረንት መቅደረት አለዎም።
- እብ ምግባይ ተቅዩም፣ ሐቱ ህንደገት ናይ ልብ ሐምሰ መዐለቀት ናይ ደም ትሰርፍ።
- ገጽ አዳም እብ 14 ዐጭም ለትከወና ቱ።



ነፈሰ ወድ ዕትማን ምንቱ?



ነፋሰ ወድ ዕትማን

እለ ሓድሳት እለ ቀደም 100 ሰነት ለጀሬት ምንመ ዐለት። አሀምዳተ። ምስጢር ወዐጃይብ ላኪን አስክ እለ ሕሰር ውቁል ለሀይቤ። ቅሰት መካይድ ናይ ምርት ሻብ ኤረትራ። ምን ምን ከረን እት ነጻፊት 60 ኪሎ ምትር እንክር ምፍጋር ጸሓይ ራይመት ለትትረኩብ ድን ገለብ ተአነብት። ምናተ ለቅሰት እተየ ክም ተአክልሰ እምር ኢኮን።

እት ገለብ መድረሰት ዐለት። እለ መድረሰት እለ ሐቲ ምን ሰልፋዮት እት ኤረትሮየ ለትአሰሰየ መዳርሰ እት ገብእ። እብ ሚሰዮናት አርብ ትደየር ዐለት። ለመድረሰት እሰልፍ እት ጋድሞታት ሰምሀር ክም መድረሰት ቴክኒክ (ፈንደት) ምንመ ተአንበተት። ለአንፋርላ ሚሰዮን እብ ትሉሉይ መረድ ሞገዕ ክም ጀርሰዮም። እግል መድረሰት ምን ሰምሀር አስክ ገለብ እግል ለአግዑዝ ትጀበረው። ክመ ፈረጅ ወድ ዕትማን ለልብሉ። ለመድረሰት ምርት ሸአል አንቴኔ ሸአል ለልትብሀል እናሰ ደይረ ዐለ። እለ መምሀር ምን ኤረትሮየ ወአቶብዩ ለጀምዐዮም ደረሰ ለአደርሰ ዲብ ዐለ። እትሊ ክቲብ ላኪን። እብ ታሪክላ መድረሰት እንዲ ኢገብእ ለነሀድግ። እብ ክሰሰ ምርት ዲብ እለ መድረሰት ሚሰዮን ገለብ ለደርሰ ወሐራ እግል ዝያደት ዕልም አስክ አርብ ለአተጅሀ ኤርትራ ሻብ እግል ነሐብር ቲ።

ነፈሰ ወድ ዕትማን እት ሰነት 1882 ዲብ ገለብ ትወለደ። ወድ 12 ሰነት ክም ገብእ ህይ። እት መድረሰት ሚሰዮን ገለብ ኦተ። ሞልዲን ናይላ ስኒን ለሀይ አጀኒቶም መድረሰት እግል ለጊሶ ረዱ የዐለው። ሰቡ ህይ። ለመደት። መደት ተዋብ ንዋይ ሰበት ዐለት። ንዋይ እግል ለአውዕሎ እሎም ለሐዘም ሰበት ዐለው ቲ። ነፈሰም ሞልዲን ንዋይ እግል ለአውዕል እሎም ሌጠ ልትሸንሆ ዐለው። እምበልሀመ ነፈሰ መድረሰት እግል ኢልኦቴ ለክርዐዩ ጋር ብዕድ ዐለ። ህቲ ህይ። ሞልዲን ነፈሰ እሰላም ሰበት ዐለው። ወለመድረሰት ህይ እብ ሚሰዮናት ክሰታን ትትመለክ ሰበት ዐለት ቲ። ሰበት እለ ለዕመማይ ተየልል ናይላ

መጀተመ። ነፈሰ እት መድረሰት እግል ልሰጅዑ ኢቀድረ።

ምናተ። “ንዮት ሐቆ ህሌት። ገበይ ኢትትሐገል” ክምሰለ ልትብሀል። እለ መሐለኪት እለ ለገዛፍ ንዮት ነፈሰ ምን ተዕሊም እግል ልክረዐ ኢቀድረ። ወእብሊ ነፈሰ እተ መድረሰት ሚሰዮን እንዲ ኦተ። እት ቀበት ሰለሰ ሰነት ሳብዓይ ፈሰል በጽሐ። እለ ህይ። ለትወቀለ ፈሰል ናይላ መደት ለሀ ወዲብላ መድረሰት ዐለ። ለውቅል ንዮት። ጽምኡ ዲብ ተዕሊም ወመትሰባላ። እት ሐቲ ሰነት ክልኦት ፈሰል ክም ደርሰ ወደም።

ነፈሰ ሳብዓይ ፈሰል ክም አትመመ። እት ገለብ። ምስል አርት በዐል መቅደረት ዓፍዮት ለዐለ ሱዳሰትራም ለልትብሀል ሐኪም እግል ልሸቁ አንበተ። ምናተ ሰነት 1905 ዲብ ሐዮት ወመሰተቅበል ሻብ ነፈሰ ተቅዩር እቡ ዓረት።

ዲብ ሰነት 1905። አምዕል ሐቲ ወድ ድወል ምውዳቅ ጸሓይ ላቲ ጀርመኒ ሪፖርተር ኢኖ ሊትማን። እት ገለብ ክም መጽኢ። ከብቲ ሰኒ ናይረት እብ ሸብላ ድን ገብኦት እሉ። ምስል ሚሰዮናዮም ሰበት ተሓበረ ህይ። ሐሸመት ሰኔት ገብኦት እሉ።

አጊድ በጊድ ህይ ኢኖ ሊትማን ዓዳት ወለመድ ሰነን ገለብ እግል ልሕፈዝ አንበተ። ላኪን ወድ ካርጅ ምን ገብእ ወህግያለ ሰብ ዐድ ለአምር ሰበት የዐለ። ወድ ዐድ መልህይ አትሐዘዩ። ምን ሰነን ለፈደብ ህይ ነፈሰ ሰበት ዐለ። ሰነን ገለብ ምን ገብእ ወአንፋርላ ሚሰዮን። ምስል ከዋጂ እግል ልሸቁ። ነፈሰ ሐረው እግሉ። ወእብሊ ነፈሰ ወኢኖ ሊትማን እብ ገበይላ ሐኪም ሱዳሰትራም ትዋጅፈው ወሸቅሎም አንበተው።

እተ መደት ለሀ ክም እለ ናይ ዮም መሞሰላት እብ በር። በሐር ወዐስተር ክም ምራድ ኢዐለ። ነፈሰ ወኢኖ ሊትማን ሕፍዝ እት ቀበት ገበል ወምድር ፋይሕ ወዱ ሰበት ዐለው። እለ ኩሉ

አድብር። ጋድሞታት። መሓዛት ወረወሪት እብ እገርም እት ገይሶ ቲ አሸቃሎም ለአገዱ ለዐለው። ዲብ ሐየቦት ዐዋዲ ትግራይት ለአውቀው ሸቅል ዐቢ ህይ ሐምዲ ውቅል ለትአስትህሉ ቲ። ነፈሰ



ኢኖ ሊትማን

ወሊትማን እት አውረሐት ሐድ እለ ሕፍዝም ክም አትመመው። ኢኖ ሊትማን አስክ ዐዱ ጀርመን እግል ለአቅብል ሰተተ። ነፈሰ ህይ። እግል እለ መለሀዩ እብ ፋሽ እግል ልሳርሐ ሰበት ሐዘ። እንዲ ትጸዕነዩ አስክ ባጽዕ ለሳፍር እብ በቀል አምጸኦ እሉ ወእግል ልሳርሐ ክእብ ፈረሱ ለአቅብል ምስሉ ጎሰ። ለሄር ውዕላም እንዲ ዐለው። ዲብ እንግፋክ (Eng-fak) ለልቡላ ኦካን ዓረፈው።

ነፈሰ እግል ሊትማን እብሊ ሰኒ ለልኦትዐጅብ መካሪት ምድር ወእብ ፍንቲት ለሐሰዮት እቡ ክም ነሰኦ። ሰኒ ትብሰጠ። እተ ምግሳዮም ለዲብ ዓረፈው እት እንተም። ሊትማን እግል ነፈሰ። “እንተ ሰኒ ፈዳብ ወመሰተቅበል ባርህ ለልትሰኤ ምንክ እናሰ ሻብ እንተ። እግልዬ እትላ እንሰር ለጸንሐክወ መደት። ኩላ ለትአትሐዜ ሰዳይት ወዳክ እግልዬ። ሰበት እለ። ግረ እለ ሚ እግል ኢዲ እግልክ ተሐዜ - ትሸንህ ዲብዬ” ቤለዩ። ንዮት ነፈሰ ላቲኒ ድራሰቲ እግል ለአተላሌ ሌጠ ዐለት። “ኣነ ብዙሕመ

ይእትሻ”ህ ዲብዬ ላኪን አስክ ዐድክ እንዲ ነሰኦኪ ለደረጃት ዕልም ለእንቲም ባጽሓመ ህሌኩም ወአብጸሐኪ። ለትወቀለት ሸንሆቴ ክምሰለ ወዳክ እዬ ወዐለብክወ” በልሰ ነፈሰ።

ሊትማን እብላ ረቅቦት (ሸንሆት) ነፈሰ እት ዕልም ሰኒ እት ልትዐጅብ። እለ ሕልሙ አምዕል ሐቲ አማን ክን ለአተሰብሐ እሉ ገለድ በይኦ እሉ። ወእብላህም አርትክ አስክ ዐዱ ትፈናተው። ነፈሰ ምን እለ ዳርሰ ላቲ ጀርመኒ ሊትማን ከበር እንዲ ኢረክብ ሰነት ወሰር አድረ። እብሊ ሰብ ህይ። ሊትማን እተ ቆሉ ሳብት ህለ መ ኢፋሉ ይቁን የዐለ። ሐቅሀ። ምን አርብ ለትላኦት በርቅየት (ቴሌግራም) ዲብ ሐኩም ለሚሰዮናይ ለእግል

ነፈሰ ወሊትማን አትአመረ መጽኢት።

ለተሌጋራም ክእነ ትብል ዐለት። “ዐይብክ አርብ (ሰዊድን) ዶል ትመጽኢ። እግል ነፈሰ ኢሕደን። እብ ለገብኦ ዐውል ምስልክ እግል ተአምጽኡ ህለ እክ”። እለ ልእክት ምን ኢኖ ሊትማን ለትላኦት ዐለት። እለ ወቅት እለ ኢጣልዮን ኩላ ኤረትሮየ እት ሐን ምልኮም ለአተው እተ መደት ዐለት። ላኪን። ለፋሽታይ ሕክም ኢጣልዮ። ክእነ እናሰ ጸሊም እግል ተዕሊም ውቁል አርብ እግል ልትዐዲ ለአጅዝ ገብእ? ነፈሰ እግል አርብ እንዲ ኦተ እግል ልድረሰ ልትቀደር ዐለ ወሚሰዮን ነፈሰ እግል ልንሰእ ልትሰመሕ እሉ ወለእግል ልሕብዑ ከልእንሰኡ ቲ?

ሕላይ ቀዳምያም

ዲብ ሐልፈ አወላይ ክፈል ሕላየት ፋግር ወድ በደን ብሌናይ እግል ክንቴባይ መሐመድ ለሐለየ ወኤልያሰ ወድ ዓይላይ ለአክተቢያር ርእያም ዐልኩ። እለ ሕላየት ምን ዲብ ሰነት 1913 እብ ነፈሰ ወድ ዕትማን ወኢኖሊትማን ለትኩተብ ክታብ ሐይለት ትግራይት ለትነሰኦት ቲ። ከካልኦይ ወናይ ደንገብ ክፈለ ልተላሌ። በርቅ ሀረሴኒ.....

በርቅ ሀረሴኒ - ሊሊት ምን ምሕናቅ
ካሳይ ዲብ ከዋክብ - አመቃርብ ጠራቅ
እንዲ ክልኤ ጠንግህ - ሐቆህን በልሰ ሕንራቅ
አምበል ሸኬን ሐራድ - ወእምበል ተደብ ሸናቅ።

በርቅ ሀረሴኒ - ሊሊት ምን ማቃ
ወልደት ወለት ለጎ - ተሀዲት ለሔማካ
መምበ ፈርፈር ጸሊም - እት ከደቢ ትጋሰ

በርቅ ሀረሴኒ - ሊሊት ምን ነፋሲት
ቀንጠብ ድራር ጋሻይ - ምንዲ ዐይድ ሻቢት

በርቅ ሀረሴኒ - ሊሊት ምን ቀብር ሓምድ
ሐጽር ኢክርያ - ሐየት ቅታል ላምድ
ጋይዳት ሞራይ በሌዕ - መኣዜ እንዲ ቃምድ


በርቅ ሀረሴኒ - ሊሊት ምን ረአሰ ምጽብ
አምያሰ እግል ትሰቴቲ - እለ አጋር ትኩብክብ
እክ ወታሌት - ምን እረክብ ምንክብ
ተሰፋ እግል ዳቅብተ - ወኩብድ ፈታይ ተዐቅብ

በርቅ ሀረሴኒ - ሊሊት ምን ረአሰ ቆረት
እቡ ትናቀ ዲቡ - መሓዝ ናረት
ወሀረ ወድ ወአተ ኢኮን - ዐውል ፎረት
ልትካረፈ ሚቡ - ሸመት ሐቆ ዶረት

በርቅ ሀረሴኒ - ሊሊት ምን አሸለ
ወድ ዝሪት ወድ ክልብ - ለትሸየመ ወትሰዐረ
ወድ ሸክር ወድ ብእምነት - እት ኪን እንዲ አድሀረ
እት አሰይፍ መስሎሊብ - ወሀቲ እንዲ ትሰሐላ
እት ሀመሚት ሸሎጊብ - እት ሐየታት ሐንግለ
ገያሰ ምን ብልም - እንዲ አምር ሰለለ

ቤት አብ እግልክ ትታኪ - ኢሊዲን ክምሰልህ
ተሐት ገብእ ለረአሰ - ወለዐል ገብእ ለእገረ
እብ ርቀየ ትትማዲ - እንዲ ልንሐ ለጨበለ
ደፈንህ ልብሎ - ፈግር እንዲ ሐንፈለ
እብ ክንፈሩ ልትዐዲ - እንዲ ልውዕል እት መዐለ።





ፍዲ ደንደን፣ ዕውቀት ካስ ሕርየት ገብአ

ፍዲ ደንደን፣ እብ ክልኢቲ ውላድ ወአዋልድ ዕውቀት ካስ ሕርየት ሰነት 2026 አቅሊም ምግብ ገብአ።

እተ ሰንበት ዐባይ እት ስታድዮም አስመረ ለገብአት ጅግራ፡ እስልፍ ለተልህ ፍረቅ አዋልድ ተእሚናት ወደንደን ዐለው። እሎም ክል-ዶል እት ትልህዩ ካቲመ ለልትዋጅሆ ክልኦት ፈሪቅ፡ ለሐልፊት አክራይት መዋጅሆቶም እት ካስ ደዋር አቅሊም ምግብ ዲብ ተዐለ። ለዶል ፈሪቅ ተእሚናት እብ ሪገሌታት ዕውር ዐለ።

ማሌ ላኪን፣ አዋልድ ደንደን እት 75ይት ደቂቀት ፍዮና ገርጊስ እበ ኣቴቱ እለን ጎል፡ 1-0 እንዴ ተዐወተዩ ካስ ሕርየት ነስለዩ። ለዐወተዩን ጎል ለኣቴት እለን ፍዮና ህዩ ለሐሰት መተልህያይት ተህየበት።

ደርበን ለተልህ ፍረቅ ናይ ውላድ ዲብ ገብእ፡ እግል አተሕርር ለአትረፈ. ናዲ ኮበሪት እግር ደንደን ምስል ፈሪቅ በሐር ቀዩሕ ለአትረፈ. ናዲ አዳሊስ ዐለው።

ኣርስ አዳሊስ እት ሸቅል ክቡድ ጸምዳሙ ለአምሰው ደንደን፣ በክቶም እንዴ ሰነ እት 41 ደቂቀት



ሰምአን ሀብቲ ጎል ሚርሒት አተ እሎም። እግል ዕርፍ ህዩ 1-0 ፈግረው።

ፈሪቅ አዳሊስ ግረ ዕርፍ እግል ለዓድል ምንመ ትሳሰቦ፡ ጎል እግል ለኣቴ ሰበት ኢደቅቡ፡ እት 58ይት ደቂቀት ህዩ፡ መተልህያዮም ሄርሞን ሚክኤል እበ ወደዩ ጌገ ምን ሚዳን እብ ከርት ቀዩሕ ሰበት ትጠረዘ ምናም፡ ለተርፈ ብዙሕ ደቃይቅለ ትልህዩ እብ ናቅሳም መተልህየት እግል ለአተሳልወ ትጀበረው።

እሊ በክት እት መክሰቡ እግል

ልበድል ለትጸገመ ፈሪቅ ደንደን፣ እት 86ይት ደቂቀት ሴም ተኪኤ ሚርሒቶም ለደሬዕ ጎል አተ እሎም። እት 90 ደቂቀትመ፡ ሚርን አለም ሳልሳይ ጎል ሰበት ወሰኩ፡ ደንደን እብ ርሒቡ 3-0 ተዐወተ።

ደንደን፣ ምን ጽባብሎም ለእብ አዋልድ ነስለወ. ካስ-ሕርየት ሰነት ዮም ዓመት ህዩ፡ እብ ሐዲስ እብ ውላድመ ናሶም ነስለወ። ናይለ ትልህዩ ለሐሰ መተልህያይ ህዩ፡ ነፈር ናዲ ደንደን አሚር መርሃዊ ገብአ።

ጅግራታት ፍደዳት መዳርስ ኢቅሊም ምግብ ቁመ

እግል መደት ሰማን ወሬሕ ለአተላለ ጅግራታት ርያደት መዳርስ አቅሊም ምግብ፡ ለሐልፊት ሰንበት ንኢሽ እት ስታድዮም አስመረ ተመ።

እተ ምዕል ለህ፡ እት ትልህዩ ካቲመ ኮበሪት እግር መዳርስ 2ይት ደረጃት ዕምር 16 ሰነት ወምለዐሉ እብ አዋልድ መድረሰት ሐላይ ውሓርነት ትዋጅሆ። መድረሰት ሐላይ ህዩ፡ እት 58 ደቂቀት እልሃም ዐብደልቃድር እበ ኣቴቱ እለን ጎል፡ 1-0 ተዐወተዩ። እልሃም ህዩ፡ ለሐሰት መተልህያይት ናይለ ጅግረ እንዴ ትበሀለት ካስ ንኡሽ ነስለት።

ምን ፍረቅ ውላድ ህዩ፡ መዳርስ በርከ ወደንደን ተልሀው። እት 18ይት ደቂቀት እብ ተመሰገን አስመርም፡ እት 60 ደቂቀትመ እብ ሚርን ምሉጌታ ጎል ለአተ ፈሪቅ መድረሰት በርከ፡ 2-0 ተዐወተ። ለሐሰ መተልህያይ ህዩ፡ ደረሳይ መድረሰት 2ይት ደረጃት በርከ ናታን ገረዘግሄር እግሉ ተህየበት።



እምበል እሊመ እት ጅግራታት አትሌቲክስ መአንብታይት ደረጃት አዋልድ፡ አርሴማ ረዘኔ ምን መድረሰት ዐዲ-ቁንጸ፡ ዮሳን ተወልዴ ምን መድረሰት ቤት መኻእ እት ልትዐወተ፡ ምን ውላድ ህዩ ፋንኤል ኢሳቅ ምን መድረሰት አርባዕቲ አስመራ፡ እስይ ዮናታን - ምን መድረሰት ዐዲ-አቤቶ፡ ወአሚኔ ሮቤል - ምን መድረሰት ተኻለ ተዐወተው።

እት ናይ ምግባይት ደረጃት ጅግረ አትሌቲክስ ህዩ፡ ምን አዋልድ ፊሸን አብረሃም -ደምቤ ሰንበል፡ ማሙቅ በረኽት ምን መድረሰት ዐዲ-ጌዕዳድ፡ ወቤተልጃም ሕሩይ -መድረሰት ባና።

ምን ውላድመ ናህ ታደሴ ምን መድረሰት ፍሬ-ሰላም፡ ሴም ብርሃኔ ምን መድረሰት ጎዳይፍ ወያሬት ቢንያም - ምን መድረሰት እምባጠቐራ ምን አወላይ አስክ ሳልሳይ ፈግረው።


እት ናይ 100 ምትር ካልኣይት ደረጃት ሰዐይ፡ ምን አዋልድ ዮሳን ኪዳኔ - ምን መድረሰት ሰምበል፡ ፊሩዝ ዐንደም -ምን መድረሰት እብራሂም ሱልሚን፡ ወአሰማይት ሰጊድ - ምን መድረሰት ኢሳቅ ተወልዴመድህን እት ልትነሰሪ፡ ኤሸን አተሸም - ምን መድረሰት ኣርካት፡ ኤርምያስ ንጉሴ - ምን ኢሳቅ ተወልደመድህን ወኬሸን ንጉሴ - ምን መድረሰት 2ይት ደረጃት እት ሰዐይ ለትዐወተው ቶም።

እብ ዓመት ህዩ እትሊ ጅግራታት ሰማን ወሬሕ መዳርስ አቅሊም ምግብ፡ ምዳርየት ግብለት ምፍጋር ጸሓይ ሀርመ መዳርስ ምግባይት ደረጃት እት ፈግር፡ መድረሰት በርከ ህዩ፡ ሀርመ መዳርስ 2ይት ደረጃት አቅሊም ምግብ እንዴ ገአት፡ ለወጅበን ጀዋእክ ክም ነስለዩ፡ ምን ፈሬዕ ተዕሊም ናይለ አቅሊም ለትረከበት ሐብራ ተአፍህም።

ናህም፣ እስክ ፈሪቅ አቲጅህ

ናይ በዲር መትባድራይ ፈሪቅ ዐጀላት ኤራቴል - ናህም ኤፍሬም፡ እተ ሐዲስ አርብያይ ፈሪቅ ባይክ አይድ እግል ልትከምከም፡ ማሌ-ለህ አትኒን አስክ አርብ ትበገሰ።

ምን ሳልሳይ አስክ አወላይ ዲሺዝዮን ምስል ኤራቴል ለተልህ ናህም ኤፍሬም፡ እግል እሊ ምውስም ርያደት ሰነት ዮም ዓመት ምስል ናይ ጀርመን ናዲ ዐጀላት ኮንቲኔንታል እግል ልተልሂ ቱ። ሀደፋ ህዩ፡ እተ መጽእ ምውስም ርያደት ምስል ውቁል ነዋዲ ዐጀላት (ዱር እዲ) እግል እትየት ቱ። እተ ደረጃት ለህ እንዴ በጽሐ ህዩ፡ ዐደድ ናይለ ዲብ እድንያይ



ጅግራታት ለልተልሀው ወልትዐውቶ መትባድራይት ዐጀላት ኤራትርዮ እግል አደቃብ ቱ።

እሊ ወድ 19 ሰነት ሰእየት ለቡ መትባድራይ ዐጀላት፡ እብ ፍሌንዮት ናዲ ኮንቲኔንታል ጀርመን እግል ሰልፍ ኢት እብ ብድረ ዱር ዐጀላት ሂሳስ (ናይ ዩናን) እግል ለአንብት ቱ። ሐምስ መርሐሰት ለሸምል ብድረ ዐጀላት ሂሳስ፡ ዮም አረቡዕ 6 ማዮ እንዴ አንበተ፡ ዲበ ትመጽእ ህሌት ሰንበት ዐባይ 10 ማዮ እግል ለአትምም ቱ።

ቀደም እሊ እት ናዲ ዐጀላት ባይክ አይድ ለትሓበረ ኤሸን ዮማኔ፡ ክምሰልሀመ ገዲም መትባድራይ ናዲ ዐጀላት ቡርገስ መርሃዊ ቅዱሴ፡ እትላ ጅግረ ዐጀላት እግል ልሻርኮ ክምቱመ እሙር ሀለ።

ፕርመርሊግ ዲብ 35ይት ሳምንቲ



ቶተንሃም አሱዩንሺል ክም ቀልበው (2-1)

ጅግራታት ኮበሪት እግር ሀረሚት ፍረቅ ዱለት እንግሊዝ - ፕሪመርሊግ ለሐልፊ ሰነት ወአስክ አትኒን፡ ናይ 35ይት

ሳምን ትልህያታቱ ዋዲ ዐለ። አክለ እት ልጩንቀቅ ጌሰ መቅር ለሀለ ፕሪመርሊግ፡ እት ድንኪክ ምን ነስእ ጽሙድ ሀለ።

እተ ለሐልፊ ሰነት ለገብአ ትልህያታት ናይለ ሊግ ምን



ፍቲንግም-ፎሬስት ቅባል ቼልሲ (3-1)

አንረኤ፡ ሊድስ ዩናይትድ እግል በርንላይ 3-1፡ ብራንትፎርድ እግል ዌስትሃም 3-0፡ ኒውካስል እግል ብራይተን 3-1፡ አርሰናል እግል ፋልሃም 3-0፡ ማንቼስተር ዩናይትድ እግል ሊቨርፑል 3-2፡ ቶተንሃም እግል አሱዩንሺል

2-1፡ ፍቲንግም ፎሬስት እግል ቼልሲ 3-1 ወርንማውዝ እግል ክሪስታል-ፓላስ 3-0 እት ቀሉቦም፡ ዎልቭስ ወሳንደር ሳንድ 1-1፡ ክምሰልሀመ ኤሸርተን ወማንቼስተር ሲቲ 3-3 ትፈናተው።

ምን እት ሰልፍ ለህለው ፍረቅ ፕሪመር ሊግ ለሐምስ ሰልፋያም እሎም ተሉ ቶም፡-

- 1, አርሰናል = 76 ንቅጠት
- 2, ማንሲቲ = 71 ንቅጠት
- 3, ማንቼዩናይትድ = 64 ንቅጠት
- 4, ሊቨርፑል = 58 ንቅጠት
- 5, አሱዩንሺል = 58 ንቅጠት ወፈርግ ጎል




ለንግድ ገቢዎ መታገዝ (ማክላፕ) ገንዘብ አደ ወደፊት ከም ለም ተክሎ ገቢህ?

እሎም ለአገሪቱ ንግድ መታገዝ ማለት ደል ናይ መጎብኘት ነው። ከም ተምም ለንግድ ልምድ ልምድ። እብ ክሱሰ መደረጉ ወቅቶም ለሐላፊ ማክላፕ ነገራዊ ገቢህ? ወእግል መታገዝ ለንግድ ገቢህ አላት ክም ብረሻት ወብዕዳም አክል አይ ነገራዊ ቶም ገቢህ? እብ ክሱሰ መደረጉ ወቅቶም ለሐላፊ መታገዝ (ማክላፕ) እት ጃምዐት ብሕሰ ለንደን ማክላፕ ስታገዱ እት ቅስም ሂዮማን ሳይንስ ለትሸቄ ደክቶረት ማርያ ፓላር እብ ክሱሰ እሊ መውዳዕ እግል ትብሐሰ ተሐፊት። እብሊ ህዩ ሐድ 70 ዕለቶም ለሐላፊ አይላይነር። ሊፕሶቲክ። ፋውንዲሽን። ማሳሪ ወሊፕሎሰ ለልትባህሎ ማክላፕ ወአላት መታገዝ ክም ብረሻት እንዴ ነስኦት ብሐሰ ወዴት እሊ። ህተ እተ ወዴቱ ብሐሰ እብ ፍንቱይ እት ክሕለት ዝያድለ ብዕዳም ብዙሕ ባክተርያ ትረከበ እቲ።

እብ ፍንቱይ ማክላፕ እት ሸቃቅ ትከረ ምን ገቢህ ባክተርያ እግል ልሰሐብ ቀድር። ናይ ማክላፕ አላት ርሰሐት አውመ ጠላለት እት ብሕቶም ክርየት መደረጉ ቡ። ደክቶረት ማርያ እት ብረሻት። ስፓንጅታት ወማሰኪረታት 'ሰታፊሎኮስ' ረከብን ትብል።

'ሰታፊሎኮስ' ምን ደሐን ለገብሎት ደረጃት አሰክ ክቡድ ደረጃት መሻክል ዓፍየት እግል ለአምጽእ ቀድር። እምበል እሊ መ ቀደም ማክላፕ መጎብኘትን እደይን እግል ንሕጽብ ወጅብ። እደይን ብዙሕ ጀርምታት ልትረከብ እቲ። እሎም ጀርምታት እሎም ህዩ እተ አላት



መታገዝ እግል ልሕለፍ ቀድር። እብ ፍንቱይ ህዩ ማክላፕ ክም አይሻደው። ፋውንዲሽን ወእት ከፍኖር ለልትሸመት ክም ሊፕሶቲክ ለመሰሎ። ጀርምታት እግል ልሰሐብ ቀድር። አላት ናይ ማክላፕ ክል


ደል እብ ማይ ሕፋን ወሳቡን እግል ነገንድፋ ወጅብ። እምበል እሊ መ ማክላፕ ናይ ብዕዳ ነፈር እግል ንጎንጎሳ ወናይን እግል ብዕዳ ነፈር እግል ነህብ ክም አለብን ደክቶረት ማርያ ትመክር።

ዕላቃት ለጎረቤት ለህሉው ለመድ ተለፎናት

ምስል ተለፎናትን ለህሉ እግልን መጸገጥ ደል ደል እት ወለፍ ገይሱ። እሊ በህለት ምስል መልህያምን ወበዐል ጸዋን ለህሉ እግልን ዕላቃት

ክም ልእኬ እሙር ቲ። ምናተ መሻክሎ እት ነገራዊ እት አምዕል ዐሰር መረት ተለፎንን እንከሰት። እሊ ለመድ እሊ እብ ፍንቱይ እት ዕላቃት

ሰብ ጸወ (ሐዳር) ወአጀኒቶም መሻክል ክልቅ። ዋልዴን ምስል አጀኒቶም እግል ለሐላፊ ለወጅብ ወቅት እት ጫቀጦት ተለፎን ሐቆ ሐልፈ። ፍንጌ ውሉድ ወዋልዳይ ለህለት ዕላቃት እት ትድዕፍ መጽእ። ምስል አዳም እት ንህሌ እቲ ወቅት ምን ጫቀጦት ተለፎን እግል ንደገግ ወጅብ። ወለተለፎን ለንግድ ገቢህ ሰብ ምህም ሐቆ ገብእ ህዩ። እግል ምስልን ለህሉ ነፈር ነሐሰእል ከንጎንጎሳ። እሊ በሰር እሊ እግል ነፈር ክም ኢትሐሰርክ እቲ እግል ኢልምሰሎ ሰዴ። ምናተ ክሉ አዳም ሐቲቲ በህለት ኢትን እት ፍክር ወአደብላ ነፈርቲ ለልተንከብ። እብሊ ህዩ ገሌ አንፋር ለትቀበበው መሰሎም ወእተ ነፈር ተረቶም እግል ልትፈደው ለሐዘ።



ገሌ ምን በህል

- “ዲብ እለ እድንዮ ወለሐቲ ለትከብር ሓጀት ኢህሌት። ወለ ለሰድፊን መሻክል ወመታክል ምስል ወቅት ለሐላፍ። ሰበት እሊ ሐቲ ደቂቀትመ ምን ገብእ ሰእየት ኢትብተክ”።
- “ኩሉ ትም ለልብል በሊሰ ሰበት ሐግላ እንዴ ኢገብእ። ለገብሎት ሓጀት እብ ሰብር እግል ልሕለፈ ሰበት ሐዘቲ”።
- ደል ደል እበይንክ ህለፍት ሰኒቲ። ሰበቡ አዳም ከፎ መሰል ምን ረዩም እግል ተአቅምቲ ሰበት ቀድር።
- ሐያትክ እት ፍክርካት ለትተንከብ ወፍክርክ እት ሕርያንክ።
- እብ ክሱሰ ሐያትክ ብዕዳ ነፈር ክእን ውዴ እግል ሊበሐክ ኢትሰመሕ። ሰበቡ ቲለልክ ምንክ ወለዐል ለልአምር ሰበት አለቡ።
- ወጃዕ ለአለቡ ዐውቲ ይህሉ። ሰበት እሊ እግል ትትዐውት ሐቆ ሐዘክ ተብን እግል ትድፈዕ ላዘምቲ።
- ክልደል እብ ከሳርክ ኢትትፈከር ወሳእየት ኢትብተክ።

ገሌ ምን መንፈሳዊ ባዴግ (ማሰቲክ)

1. ፍክርን ክም ዘይድ ወዴ- መደርሲን እት ወቅት እምትሓን እግል ደረሳህም ማሰቲክ እግል ልምጨር መክር። እት ወቅት እምትሓን ማሰቲክ ለመጭር ምን ለአመጭር ደረሰ ለሐሰት ፍገራት ለአመጸ። ሰበቡ ለእሉ ሓፍዛም ዐለው መውደዕ እግል ልትዘከር ሳዕደም።
2. እት ገርብን ወሐንገልን ለልትረከቦ ግልሱሰ እግል ልትወሰኮ ሳዕድ።
3. ሐረክት ደም እት ሐንገልን ክም ትወሰክ ወዴ- ማሰቲክ እተ እንመጭር እቲ ወቅት ደዋር ደም እት ሐንገልን ምን 25% ዲብ 40% ክም ትትጠወር ወዴ።
4. አክሲዲን ብዙሕ እግል ልትክልቅ ሳዕድ።
5. ምን ከሰል ለአረዘዕ

ክመ እት ለዐል ለትሸርሐ። እሊ ፍገራት ናይ መጨር ማሰቲክ እሊ ምን ነፈር እት ነፈር ልትፈናቲ። ከመጨር ማሰቲክ እምበል እሊ ለእሉ ሸርሐን መናፍዕት መደረጉም ቡ። እሊ በህለት ሳኪን እግል ክሉ ደርር በህለት ኢትን። ምን ነፈር እት ነፈር ልትፈናቲ። ከገሌ ምን መደረቲ ደል እንርኤ-

1. እት ገሌ አንፋር ናይ አንድብ ወአንኩክ መ ት ሸ ታ ት ከልቅ- እብ ፍንቱይ ክል ደል እብ አሮ እንክር እንመጭር ሐቆ ገብእን ነክክ ምን አካት እንዴ

1. ትራዮመ ወጃዕ እግል ልውዴ ዲብን ቀድር።
2. እግል ገሌ አንፋር ሸውሀቶም ደብእ (ሰድምም) እብ ፍንቱይ እት ብልዐት ፈዋክህ ዝያድ ንሰደም።
3. እግል ርዩም ወቅት መሰቲክ ደል እንመጭር ወጃዕ ርኢሰ እግል ልትሰብብ እትን ቀድር።



10 ፍንቲት ልወር ሕዘው

